

## *JEHOVA-JIRE* <sup>3</sup>

 Kotamike mitwe yesu asyoonto buyo ku mupailo.

*Elyo wa kaita zina i lya busena kuti Jehova-jire: mbuli mbo kubede...kabona...Mu cilundu ca Mwami mane...buzuba obuno.*

<sup>2</sup> Taata wesu Wakujulu, tuli lumbide sunumasiku kuba a coolwe eci ca kubungana antoomwe mu Zina lya Mwami Jesu, ku Mu komba mu Muuya wa bubuke Bwakwe. Elyo tuli lumbide loko kuli Nduwe, nkambo ka ceeco Nco katu citila kale, kuku lizibya Lwako ku Ijwi akati kesu, a ku bubuke. Elyo bulangizi bwesu buyakidwe atala maningi, Mwami, nkaambo tu lizi kuti-kuti Leza ngo tu belekela tali kaleza ka kaindi, pele Leza uuliko calino, Oyo wakabuka kuzwa ku bafu, alimwi watondezya kuba Leza oyo wakali antoomwe a Musa, a Abrahamu, a boonse baapostolo, a ucili Leza nguwenya. Mpawo besu... Tula njilana a Eddie Perronet, mbuli mbwa kaamba, "Bulangizi bwangu buyakidwe biyo aa Bulowa a bululami bwa Jesu." Aboobo, twa Ku lumba ku kuumbulizigwa oku kupati a kugwasigwa oko nko tujisi.

<sup>3</sup> Taata, sunumasiku, ikuti na kuli umwi awa akati kesu, sunumasiku, oyo uta jisi bulangizi obu bupati, akube kuti eli libe oora kuti Bwini bomwe bupati Butamani buyo yubununwa kuli mbabo, Taata, kuti bayo ziba kuti kaambo neo bali ano aa nyika takali buyo ka ku-ku beleka. Elyo nke kamwi ka twaabmo, mubwini. Pele kaambo kapati nkakuba mwana mulombe na musimbi wa Leza. Elyo akube kuti eco cimanizigwe, sunumasiku. Ko cipa, Mwami.

<sup>4</sup> Kotulongezya lino mbuli mbo tu swaangana ku Ijwi Lyako. Ijwi Lyako Mbwini. Alimwi akube kuti Muuya Uusalala mulemu ubweze Ijwi lya Leza a ku Lya abaula mbuli mbo tubulide, Nkambo twa cilomba mu Zina lya Jesu. Ameni.

Inga mwa kkala.

<sup>5</sup> Ndamu lumba ku coolwe ca kujokela sunumasiku, a ku kulanganya ndinywe nobantu babotu alubo kuli aya Makanimabotu aabulemu. Twa kaambilizya kuti, lino, juunza cifumo nkwiya kwa Munsono, kuswaangana a beeembeli babelaka amwi kaba jisi kwiiya kwa Munsondo kwaantoomwe mpoonya awa. Ndi yeeya kuti ncibotu loko. Elyo bunji bwabo baka gwisya zyuuno kuzwa ku mambungano abo a kuziletela bantu okuno, alimwi mucito mubotu usyomeka nconzyo ku bantu kucita cintu.

<sup>6</sup> Tuli lumbide kuli Leza ku bube bubotu obo Mbwa tupa. Ba kaamba kumbele kuti tuyoooba a maguwo amvula a zintu, ciindi

coonse. Pele Wa kajosya maguwo amvula, alimwi tii twaka jisi neliba lyomwe penzi. Tuli lumbide kuli ceeco.

<sup>7</sup> Elyo lino, sunumasiku kwa pegwa...Twali kuba a miswaangano buyo yavangeli yalyoonse. Elyo ikuti na kuli beenzu bamwi bali andiswe...Ta tulanganya maningi ali—ali basizibi kuboola kuli Kristo. Elyo Nda kabweza cibalo masiku ainda muli Bwane, elyo Nse na cimana pe. Twali kwaambaula buyo kujatikizya Abrahamu, alimwi ta tuna kusika ku cibalo, ca *Jehova-Jire*. Aboobo tu soleka kumanizya ceeco sunumasiku. Elyo tula syoma kuti Mwami uyo futula muntu oonse uutana futulwa, a kuzuya bantubonse abo bata zuzigwa Muuya Uusalala, sunumasiku.

<sup>8</sup> Lino amu ciyeeye kabotu loko kuciindi notuli ano. Elyo kuciindi notwa—kuciindi notwa ambaula, kojula moyo wako kutegwa Muuya Uusalala ukonzye kwaambaula mukati ka nduwe. Ino tu citanzi awa, nekuba? Amuyeeye buyo eco kuloolola. Ino, ino buumi bwako bwakali nzi? Ino ncinzi ncoli waano? Sa Leza...Sa uli mucimo cili booboo cakuti Leza inga watambula koonse—koonse oko Nkwa kakubikka awa, kuzwa kuli nduwe? Ikuti na pe, mpawo atu bambe ceeco sunumasiku, beenzuma. Cili ii...

<sup>9</sup> Ndi—Ndi jisi beenzuma bamwi baliko oonse awa, kuzwa ku mbungano yangu. Bamwi ba i...Umwii wa basyomesi, Ndi lizi, alimwi bobilo na botatwe bakwesu. Nda kazwaa kuziba mukwasyi mupya ukkede awa, sunumasiku, wa Palmer uuzwa okuno abusenabumwi, kweenzya mamaile ali myaanda minji Munondo lyoonse—lyoonse Nda kanana kutala mu Indiana. Elyo Ba. Welch Evans a mukwasyi wakwe nkobali okuno abusenabumwi. Ta ndizi buyo awo. Ndi...Sunu, Ndali kubala, kutandila buzuba boonse, elyo Nda kali kukonzya kumvwa majwi abo aanze awo. Elyo Nda—Nda lizi kuti nkobali.

<sup>10</sup> Lino, juunza, juunza aa tuu. [Umwii wati, “Tuu.”—Mul.] Aa tuu okuloko, juunza, kuswaangana koonse juunza masikati kuyo pegwa ku baciswa, ku mupailo wa baciswa. Lino, bantu banji batondeka kuli nkuko mbuli mulimo wa kuponya. Ee, ta tuciti ncobeni mbuli ku tondeka kuli nkuko mbuli booboo. Nkaambo, atu kwiite kuti mulimo wa lusyomo. Aboobo, ikuti na lusyomo lwesu lwakonzya kusika ku kasena aka, Walo nakamana kulizibya akati kesu, a kuziba zintuzyonse zili mu moyo wesu, alimwi wa citondezya kuli ndiswe, mwabona, kuti Ula pona, a kucitondezya kwiinda ku Lugwalo.

<sup>11</sup> Sena mwakabona nzila Mbwa katondezya Ijwi lyoonse, kwiinda ku Busyu Bwakwe bupona? [Mbunga yaamba, “Ameni.”—Mul.] Mwabona? Mwabona? Mwabona? Lino, eco citondezya kuti to elede kuyeyya buyo kuti tusola buyo kwaamba cintucimwi ca musyobo umwi wa cintucimwi cakuyeyela buyo.

Eco Bbaibbele eli ncolya kasyomezya, obo Mbwini. Mwabona? Lino Ijwi lyoonse ndya bwini.

<sup>12</sup> Lino, ndiza Nse jisi lusyomo lukubwene lwa kubamba Ijwi lyoonse lya Ndilyo kubeleka, pele nconzyo inga Nse sinkila nzila ya umwi oyo waka jisi lusyomo loko. Enoki waka jisi lusyomo lukubwene, buzuba bumwi, lwa kubweza lweendo masikati a Leza, a kuzumanana buyo kweenda, kainka kujulu ku Muunzi kakutakwe kufwa. Lino, Ndi yeeya kuti Mbungano yeelede kuboola kuli olo, ku lusyomo lwa Kukwempwa. Inga nke takwe a lusyomo olo calino, pele masimpe inga Tii ndaima mu nzila ya muntu umwi oyo waka jisi lusyomo olo.

<sup>13</sup> Aboobo, tu syoma kuti Leza uyo tupu lusyomo lupati, elyo, juunza kuti kukakabi muntu uukompeme uyo syaala mu buyake, cindi baboola ku mupailo. Tuyo syoma buyo obo. Elyo lino ikuti na tuyo cisayoma! Lino, Nda kabona eco ziindi zinji loko!

<sup>14</sup> Nda kabona ciindi awo zyuulu zili makumi obilo azyosanwe, amuyeeye buyo lino, kutali myaanda ili makumi obilo ayosanwe, kuponesegwa kugambya kuli zyuulu zili makumi obilo azyosanwe kutola busena ku mupailo omwe: Durban, South Africa. Ba kalongela, Nse zyi na kali matraki ongaye mapati, kuti mu . . . Obilo awo akali kuzula cintu onse *omuya*, kubweza ceeco cakabikkwa omuya, myootokala ina British mapati, ya mavwilli ali cisambomwe a lusеле ali njiyo, mbuli booboo, myootokala mipati kutobela myotokala mipati, kai selemuka, a mifunko a mawhiluceya, na eco neco baita kuti mawhiluceya, zintu ziniini nzoba bwezela balwazi. Aku baselemusya kwinda mu cisaka. Elyo mulavu wakali kunga waba tobela, bakali kunga babasiya ansi mu samu. Elyo mpawo kuboola ku muswaangano. Elyo mpawo kubona buyo, aa cibumbili, mulombe.

<sup>15</sup> Umwi mutaanzi wakasika aa cibumbili wakali ii—wakali mwanakazi. Elyo waa kali muna Mohammedi ugwalidwe, a kabala kasubila akati ka meso akwe. Elyo Nda mubuzya ikuti na waa kali kukanana Chikuwa. Elyo waa kati, “Aniini buyo.”

Elyo Nda kati, “Nda bona uli muna Mohammedi, muna Mohammedi.”

Waa kati, “Iiyi.”

<sup>16</sup> Nda kati, “Ino uboolela nzi kuli ndime, nde Munakristo? Nkaambonzi toinki ku mupaizi wako?”

Waa kati, “Nda syoma kuti ulakonzya kundi gwasya.”

<sup>17</sup> Elyo Nda kati, “Ee, Nse konzyi ku kugwasya, citakuti, wasyoma Jesu Kristo.”

Elyo waa kati, “Ee, Nda kabona miswaangano.”

<sup>18</sup> Okuya buyo mazuba otatwe. Twa kajisi kutandila, bali zyuulu zili myaanda yobilu baka kkede mpawo, aa busena. Aboobo mpawo bakacita kubajalila mu malambo, nkaambo baka jisi lumamba lwa mikowa, abalo.

<sup>19</sup> Elyo Nda kati, “Ee, lino, weeleded kusyoma Jesu Kristo.” Elyo Nda kati, “Sena wakasola kubala i—i Cizuminano Cipy?”

Waa kati, “Nda kacita.”

<sup>20</sup> Nda kati, “Ino uyeeya nzi Mulumbe Ngwe kazwaa kupa, kujatikizya Nguwe mukuba mbobuca nguwenya, sunu, amuya myaaka?”

Waa kati, “Nda usyoma.”

<sup>21</sup> Elyo Nda kati, “Mpawo ikuti na Mwami Jesu wali muumi sunu, Wa kakuponya kale. Kuciimo mbuli kupenga Kwakwe, kuli kwabilidwe kale. Pele weeleded kuba a lusyomo. Elyo ikuti na Wa kali waano, Na ziba kuti wali ni. Na ziba eco neco kacita. Na ziba zyoonse zjatikizya nduwe. Ula syoma obo?”

Waa kati, “Iiyi, munene.”

<sup>22</sup> Nda kati, “Ikuti na Uyo yubununa eco, sena ula musyoma kuti Walo, nkokuti, Uyo oba Mwana wa Leza, alimwi waka buka kuzwa ku bafu, alimwi muumi awa kwalyonse lino? Muuya Wakwe muli ndime, a Banakristo aba bambi?”

Waa kati, “Nda cisyoma.”

<sup>23</sup> Nda kati, “Ino uyanda nzi awa... Mulumi wako muntu mufwaafwi, wamibili uneede. Ujisi kalezu kasiya kaatala amulomo. Mywiki zyobilo zyainda, wakali kuli dokotela. Ndeeli zina lyako.” Nse kakonzya kulemba, konzyi ku lyaamba. Nda kacita kulisipela. Lyakali zina lina Mohammedi.

Waa kati, “Mbo mbubo.”

<sup>24</sup> Elyo Nda kati, “Mpawo, elyo mulumi wako wakalindila mu hoolo. Wa kali kusama nsuuti yamvvi a ngowani isalaluka.” Nda kati, “I dokotela wakali musyobo wa muntu mulamfu, uukotede, waka samide magilazi mapati acipapa ca meja. Wa kakupa kulangwalangwa kwa kubukaintu, nkabela waka kujana a cikoto mu ovari.”

Waa kati, “Obo mbwini.”

Nda kati, “Ula muzumina Jesu mbuli Mufutuli wako na?”

Waa kati, “Jesu Kristo kuba Mufutuli wangu.”

Utobelakali mulombe muniini waka jisi mancenga.

<sup>25</sup> Elyo bakali kulekela buyo mamissionari kuunka, kubweza omwe na bobilo kuzwa ku mukowa aumwi. Nota kakonzya bajata, kwiina nzila pe. Aboobo, ba kajisi myaanda a myaanda ya basimpi kabasola kubajata, nkabela tiiba kakonzya kucicita.

<sup>26</sup> Elyo aboobo mpawo oyo mulombe muniini, wakajisi mancenga, baka mubikka a cibumbili, kutandila musinzo uli boobo.

<sup>27</sup> Elyo atala aa cibumbili, ayo maluba ampana ategwa Sella. Nywebo nobacizi awa, nomuyanda malubaluba! Amwi ayo maluba ampana ategwa Sella akajisi mainci ali eitiini kulampa;

ayelo, atuba, mabotu. Elyo bakali cijisi. Akali amusokwe. Kajisi kuyalwa kwa maluba koonse.

<sup>28</sup> Elyo Nda kali kwaambaula. Ba kakkala mulombe muniini. Missionari waka mubikka atala. Alimwi mulombwana muniini waka jisi mancenga. Wa kazwaa kulya cisusulo cakwe.

<sup>29</sup> Ziindizimwi zyakulya zyabo—zyabo zila gambya. Wa kajisi... Bala bweza pepe liniini a ku kudonkola nsinga zya ng'ombe, muli eco nco baita kuti i—i bbakete. Nci saka ciniini, cikutu cisumidwe antoomwe, alimwi lekela i—i bulowa, bulowa bupya, kweenda omuya. Mpawo kukama i mukupa muniini, a kuukopa, upanga ii—ii maswiiti anona akununkilla kabotu ategwa lollipopu.

Inga toyanda imwi yawo, sa inga wacita, oyandwa? Peepe.

<sup>30</sup> Aboobo eco, pele, walo, nce ncico ncakali kulya. Elyo meso akwe maniini akacengama. Nda kati, "Lino, kufumbwa muntu inga wabona, ula ziba eco cilubide ku mwana. Meso aakwe akacengama. Ikuti na Nda konzya kugwasya muvwanda oyo," Nda kati, "Inga ndacicita ncobeni. Pele Nse—Nse konzyi ku mugwasya, naba uli oonse umbi." Nda kati, "Ikuti na dokotela ulakonzya, baa, ikuti na takonzya kucicita, mpawo nakaba cintucimwi cipambukene kuzwa mu moyo wa dokotela, ikuti na wa kali kukonzya kucigwasya." Nda kati, "Muta yeeyi kuti inga bano jisi nzila iili yoonse yakucita ku ciindi eci."

<sup>31</sup> Nda kati, "Pele, lino, Mwami inga wandi yubunwida makani aa muvwanda." Elyo mpawo, Wa kati, "I muvwanda, bawisi a banyina mbana bukwetene bakotede." Eco cakali... Waa kali mu Zulu, alimwi kanji bali neneede. Nda kati, "Aba mbe mbabo bakkede mpoonya awa lino. Zina lyabo ngu *boobu-a-boobu*." Elyo Nda kati, mpawo, "I muvwanda wakazyalwa a meso aa mancenga. Nkaambo, mutumbu... Ba kazwa ku ii... Bala musyoma Munakristo, nkaambo mukati ka kaanda, kavumbidwe bwizu, kuli cifoto ca Kristo, cila lengelela ku lubazu lwa janza lyalulyo ilya bulambo."

<sup>32</sup> Elyo Nda kati, "Elyo muvwanda, mutumbu mbwa katondezya biyo muvwanda kuli bawisi, wa kali amancenga." I bawisi a banyina bakaimikila, kusimpikizya eco cakali luleme. Nda kacebukila ku muvwanda muniini, meso akwe kali tonkomene mbuli angu.

<sup>33</sup> Aboobo Nda kati, "Lino, nywebo mwabona, Mwami," Nda kati, "Nse kaliko kwa tukokola tuli kkumi ku muvwanda, muvwanda waponesegwa."

Ka citambikizya buyo mukati. Alimwi Nda kaitila umwi utobel'a.

<sup>34</sup> Elyo mpawo cindi ni cakacita, Nda kamvwa lupyopyongano. Dr. Bosworth a Dr. Ern Baxter, beendelezi bangu, mu muswaangano, bakali kukwankwana a muntuumwi, alyo

Nda...kupanga lupyopyongano luli boobo. Oyo mulombana wakali kusola kuboola aa cibumbili, na kusola kutanta alya. Elyo kwakali madokotela masyoonto, madokotela a masilike baka kkede awo. Aboobo dokotela oyu wa masilike, wa—wa kati, wa kali kwaambaula. Wa kati, “Ndi yanda kwaambaula kuli nguwe kujatikizya muvwanda ulya.”

Nda kavuuluka, Nda kati, “Ndipenzi nzi, dokotela?”

Kati, “Mbobuti mbo ziba kuti Ndali dokotela?”

<sup>35</sup> Elyo Nda kati, “Nduwe dokotela. Uli... Wa kakomezegwa, mu England. Uli dokotela muna British.” Elyo kamwaambila oko nkwa kayila cikolo.

<sup>36</sup> Wa kati, “Lino, Ba. Branham, Nda konzya kumvwisya awo kukwabana kwamizeezo mpoku konzya—konzya kubala mizeezo yangu.”

Nda kati, “Nseli mukubala mizeezo yako, dokotela.”

<sup>37</sup> Elyo wa kati, “Pele eco Nce takonzyi kumvwisya...” Kati, “Nda syoma kuti kuli Leza. Elyo Ndi lizi kuti eyo mpana taikonzyi kupona okuya kakutakwe Leza,” kati, “nkaambo ili jisi buumi muli njiyo.” Wa kati, “Pele sa Ula bwaampe? Nda bikka muvwanda aa cibumbili. Nda mukalangalanga. Meso akwe akajisi mancenga mpoonya alya. Elyo ngooyu muvwanda lino a meso aatonkomene. Ncinzi cacicita, Ba. Branham?”

Nda kati, “Jesu Kristo.”

<sup>38</sup> Elyo wa kati, wa kati, “Ee, lino langa,” wa kati, “Nda syoma muli Leza.” Wa kati, “Pele Ndi yanda ku kubuzya mubuzyo, mbuli mukutausi eno. Sena wamubiba muvwanda oyo?”

<sup>39</sup> Nda kati, “Badaala, alimwi waamba kuti i—i British Medical Association yaka kupa laisensi ya kukutauka misamu, alimwi kuziba buyo zya kubiba kunze lya ceeco? Ikuti na kubiba kuyo olola meso a mavwanda, weelede kucta ncito ya kubiba.” Mwabona?

Elyo wa kati, “Ee, ndaambile eco caka cicita.”

Nda kati, “Jesu Kristo.”

Wa kati, “Langa,” kati, “Nda syoma. Nda kati Leza uli mu mpana eyo.”

<sup>40</sup> Elyo Ba. Bosworth bakati, “Lino, uyo talika kupapila awa.” Nkaambo, ba kajisi lusalululo, abalo, okuya, nywebo mulizi.

<sup>41</sup> Elyo aboobo Nda kati, “Yebo uya...” Mpawo, lumamba lwa mikowa. Nda kati, “Yebo uya kutalika kupapila lino. Uta citi ceeco.” Nda kati, “Uli mu kutola ciindi cinji loko ku muvwanda oyo.”

<sup>42</sup> Elyo Nda kati, “Nceeci nco elede kucita. I muvwanda waka liimvwi alya. Komu bikka aa cibumbili. Lusyomo lwakwe lwini, a lusyomo lwa banyina, ku kucaamba kuti, kaponya muvwanda. Akali meso akajisi mancenga awo, taka guma

ndime, na wakali munsi lyangu, na cimwi cimbi. Nke tana langa a kubona muvwanda, kacebuka ku mbunga, ndakabona cilengaano, kaambila obo mbo cakabede, a kucebuka, meso aa muvwanda akali tonkomene.”

<sup>43</sup> Elyo wa keenda kunsi lya mikezi mpati eyo ya lusabwe. Wa kati, “Nda mutambula Jesu Kristo mbuli Mufutuli wangu.” Mwabona?

<sup>44</sup> Cindi Ne kali kuzwa ku Durban, wa kasotoka atala lya lubaya, oko banji, bantu batandila ku zyuulu zili kkumi, makumi obilo kali kubusena kuya kwaamba kuti weende kabotu, a... Na, kusiya (kutali Durban, Mundi jatile) Johannesburg. Elyo wa kasotokela aanze, a kundi kwempsa ku cibuno, mbuli *obu*, aku ndaambila kuti wa kaleka ncito yakwe mu dolopo, aku nyonena mu masena akubeleka zya jwi, mbuli missionari wa masilike ku bantu. Elyo kuciindi nakali kwaambaula kuli ndime, wa katalika kwaambaula mu myaambo imbi, mbuli mbwa kali kwaambaula kuli ndime. Obo mbwini, dokotela wa masilike, wa Anglikeni, wa Anglikeni.

<sup>45</sup> Wakatobela kunselelo wakali mulombe muniini, na mwaalumi mukubusyi. Wa... Nse kooba a ciindi caku njila muli ncico. Ca... Wa kali boobo, wa—wa kacita kweendela aa maanza akwe a matende, mbuli. Ba kaangide nketani ku nsingo yakwe, mbuli mubwa.

<sup>46</sup> Elyo Nda kati, “Ma, nywebo...” Oyo mulombwana uutakweankwaya, ikuti na umwi wakonzya kumugwasya, elyo taka cicita, inga waba muntu wamyoyo ya lunya maningi. Nda kati, “Mubwini, lino, Nse konzyi ku muponya, uli onse ulizi obo. Nse konzyi kumuponya. Ndi konzya buyo kwaamba ikuti na Mwami uyo nditondezya caka citika, na eco cakacicitya, na cintucimwi. Nkaambo kuponesegwa kwa kaulwa kale.”

<sup>47</sup> Lino, Ndi yanda ndinywe nobantu okuno, abo bacisidwe, kumvwisya ceeco. Kuponesegwa kwa kaulwa kale. Mwa kaponesegwa kale. Nkubula buyo lusyomo. Zintu zyoonsse zilikonzeka kuli baabo basyoma. Mweelede buyo kusyoma ceeco eno.

<sup>48</sup> Elyo aboobo mpawo tu jana kuti oyu muniini...oyu mulombwana awa, Nda—Nda kati, “Mumuleta atala awa.”

<sup>49</sup> Elyo bakali kumusololela ku nketani. Elyo wa kayeeya, lino, ziindizimwi mikowa iyanda kulumbaizya bamataristi. Elyo bala cita kuzyana kuniini, nywebo mulizi, cizyano ciniini ca mikowa, kuti batambule makkobili kuzwa ku matuaristi. Elyo wa kayeeya kuti Nda kali kuyanda kuti azyane. I mulombe takali kabotu akwalo mu maanu. Elyo, inzya, Nse konzyi kwaamba mu bbunga eli lisangene, nkaambo taba sami zisani, nywebo mulizi. Banakazi babo, baalumi, a boonse, bali cinswe. Aboobo ba—ba buyo...ndiza kuvumba, na cintucimwi. Pele wa kali kweendela a maanza a matende, alimwi cakali kuyoosya buya.

Aboobo mpawo Nda . . . Ba kamujatilila ku nketani, mbuli *obo*, a kumuleta atala; kali ijisi koonse ku nsingo yakwe, ka musololela. Elyo wa kali kusola, kuyabuya, “Ii baa-baa-baa.” Nda kasola kumubamba kumvwisia kuti eco tii cakali eco Nce kali kuyanda. Nda . . .

<sup>50</sup> “Mutoloki wa Cizulu,” Nda kati, “lino amba majwi. Ko mwaambila kwiimikila nji a kusyoma buyo.”

<sup>51</sup> Elyo wa kandilanga mbuli *boobo*. Elyo—elyo Nda kati, “Lino, mulombe uli . . . Wa kali boobo kuzwa kali mulombwana muniini.” Nda kati, “Obo mbwabede kasimpe . . . Eco nca yeeya lino, walo munyina wakwe. Munyina wakwe wakali kutanta mubwa wa yellow, na mpongo. Wa kawusigwa.” Elyo Nda kati, “Wa kali lemanya. We endela a mifunko yobile.” Elyo Nda kati, “Lino, Nda bona mwaalumi mukubusyi kuti waponesegwa. Walo, wa kasowa zyeenzyo zyakwe.”

<sup>52</sup> Kutandila ciindi eco, citola maminiti aali makumi obile kuti baumune. I mulombe wakali kkede kutandila mulongo wamayake aa dolopo otatwe kubusena kuya, kunselelo mu nzila *eyo*. Ngooyu waboola, a mifunko ku maanza akwe, kazuzaana buyo canguzu mbuli mbwakali kukonzya kuunka. Wa kaponesegwa, kulaale *okuya*, cindi oyo mutoloki wa Cizulu. Batoloki baindene bali fifitiini kabaimvwi okuya. Waamba ijwi, weelede kulindila mane lyainda mu batoloki. Ngooyu waboola, a mifunko ku mutwe wakwe, mbuli *boobo*. Wa kaponesegwa.

<sup>53</sup> Elyo—elyo mpawo Nda—Nda kalanga koonse. Mpawo Nda kabona, alubo, nke mulanga, Nda kamubona kaimvwi. Eco ncilengaano. Taakwe cintu ciyo cilesya ceeco. Peepe. Ca kamana kale mpawo, mwabona; kulindila buyo ijwi.

<sup>54</sup> Lino, amulange. Oyu Muvulo uuboola Ndi yooba myaka iili makumi osanwe ayosanwe yakukomena. Mbuzuba bwangu bwakuzyalwa. Elyo Nda kabona zilengaano kuzwa nkeli mulombe muniini. Nsena bwene comwe yazyo kukakilwa. Elyo Njo buzya uli oonse ikuti na wakasola kubona comwe, eco caakambwa, kusola kukakilwa. Ta cikonzyi kukakilwa. Ngu Leza.

<sup>55</sup> Aboobo, mpawo Nda kacibona. Mpawo Nda kayeeya, “Nceeci ciindi cangu lino cakujana i . . . ku—ku jana lwiito lwangu lwaku cipaililo. Elyo Nda kamubona kaimvwi. Nda kalizi kuti uyo ponesegwa mpawo, nkaambo, mwabona, caka tondezegwa kale. Ci leelede kuba mu nzila eyo. Neeco cilengaano nco caamba. Cili luleme ncobeni.

<sup>56</sup> Mbangaye bazi kuti zintu ezyo nzya bwini? Eci, ku beenzu kubona. [Mbunga yaamba, “Ameni.”—Mul.] Nca bwini. Kwiina, taakwe kukakilwa kuli ncico. Leza lyoonse waka cibamba kululama.

<sup>57</sup> Nda kayeeya, “Nceeci ciindi cangu cakwiita kwa cipaililo.” Nda kati, “Lino, mulombe oyu awa, Nse konzyi ku muponya.

Pele ikuti na nguzu zya Leza zya nditondezya cilengaano, nkokuti ula ponesegwa lino. Lino, ikuti na ta ponesegwa, nkokuti Ndili musinsimi mubeji. Pele ikuti na waponesegwa, mbangaye banu kumasena ayo bayo tambula Kristo mbuli Mufutuli wacigaminina?" Kwa kali, Nda yeeyela, kwakali bana Mohammedi bali zyuulu zili kkumi okuya.

<sup>58</sup> Nda kaambaula buyo, mazuba masyoonto kakutanaba eco, ku muntu mupampu. Kati, "Eco ncilumbo cilelekedwe!" Nywebo mulizi, ba kazwa ku bana Medesi-o-Persia. Taba cinci na kusanduka. To konzyi kucinca umwi wa balombwana.

<sup>59</sup> Aboobo, elyo mbaabo mbo bakabede, kabakkede awo. Umwi wa banakazi bana Mohammedi wakazwaa kutambula Kristo, nkabela oko kwaka boongelezya. Alimwi mwana mulombe wa Mahatma Gandhi wakaliko.

<sup>60</sup> Aboobo, kwa kali—kwa kali mulombe oyu. Elyo aboobo Nda kati, "Koimikila ku matende ako. Jesu Kristo wakubamba kuba kabotu." Ee, wa kacili kusola kuunka, "Ug-ug-ug," mbuli booboo. Nda keenda okuya a kubweza nketani mu janza lyangu. Nda kati, "Koimikila. Jesu Kristo wakuponya."

<sup>61</sup> Lino, ndeeli Bbaibbele. Elyo ikuti na nyoonse mulizi mpawo eco cakacitika mu masiku aya amamanino, Inga nseba acamba ca kwaamba kufumbwa cintu eco cinga cili lubide, muli ceeci.

<sup>62</sup> Okuya, oyo mulombe wakali pengede mbuli booboo, wakeenda, musana wakwe wa kayeyena, mbuli mbizi yakayeyana musana. Maanza a matende akwe; maanza akwe akaba azilonda mbuli matende akwe, kuzwa kweenda. Ku ciindi citaanzi mu buumi bwakwe, kaimikila ku matende aakwe. I misozi yakaloka ada lyakwe lisiya, mbuli *boobo*, yaka selemuka buyo, mbuli. Kutali biyo kuti wa kaponesegwa, pele mu mizeezo yakwe ili kabotu. Mwabona?

<sup>63</sup> Nda kabona, Nda kati, "Lino kuli ndinywe nyoonse nomuyo syoma, abasyome lino kuciindi Noyo komba. Ndi yanda kuziba na mbangaye awa," Nda kati, "bayo tambula Kristo mbuli Mufutuli?" Elyo cakali kuboneka mbuli lwizi. Elyo baka lembela basicisi basama ngubo bali zyuulu zili makumi otatwe, abo batakazi janza lya lulyo kuzwa kuli lya lumwensi, kaboola kuli Kristo.

<sup>64</sup> Nda yeeya nkekkanana ku Kiwanis, kutali ciindi cilamfu cakainda. Elyo mpawo Nda yeeya mulombwana waka ndinanika mu mbungano ya Missionari Baptisti, oyo waka fubaazya lyoonse. Nda kati, "Eco Bap-... Eco ncoita kuti nkwiindilizya, wabona, cakaleta bantu banji kuli Kristo mu oora lyomwe, kwiinda makumi a zyuulu zya madollar mbungano ya Baptisti nogoya kabikka mu mamissionari okuya.

<sup>65</sup> Ino twa ka bajana buti? Kutala okuya, kanamatikwa mbuli Munakristo, mbuli *boobu*, a kunyamuna mutuni mu maboko abo. "Ikuti na Amoyah..." *Amoyah* caamba "inguzu zitabonwi,"

mbuli guwo. "Ikuti na zya kakilwa, *oyu* taukaciti." Ezyo ni nguzu zya ncico. Elyo awo Nda kabona basicisi basama ngubo bali zyuulu zili makumi otatwe kabapa buumi bwabo kuli Kristo.

<sup>66</sup> Elyo kuya ku mikowa omuya, kuleta beenzinyina babo bambi kuli Kristo. Elyo Nda kapa mupailo omwe wa nkamu yoonse. Elyo kutandila maora one kuzwa waawo, Sidney Smith, meya wa Durban, Sidney Smith, meya wa Durban, South Africa, waka nditumina fooni. Kwalo, kwakali mwanakazi oyo wakafwa, busiku kakutanaba obo, alimwi kaitwa, ku komba. Elyo waa kali ku muswaangano, kali muumi. Elyo aboobo, mpawo, oyo wakali simukowa wa Sidney Smith, alimwi wakali boteledwe koonse.

<sup>67</sup> Elyo mpawo cindi eci, wa kati, "Koya ku mpulungwido yako a kulanga, kaselemuka kagwagwa." Elyo mpaawo kwaka boola eyo myootokala mipati, yaka lundikidwe kuzula. Elyo basicisi abo bakali mu tulo otu a zibwezelozyalbwazi, cifumo eco, bakali kweenda kusule, a maanza abo mujulu, kabalila, kabaimba mu milaka yabo yacisi, "Syoma buyo. Zintu zyoonse zilakonzeka." Elyo taacikwe lumamba akati kabo, mundando buyo kutobela mundando ansi alya. I matraki kaalinka boobo, kusindikilwa kwa basilikani, a kootokala kategwa rikishawo kakali kuzuza koonse, mbuli boobo. *Kosyoma Buyo.*

<sup>68</sup> Lino, ikuti na basicisi basama ngubo abo batazi janza lyalulyo kuzwa ku janza lyalumwesi bakonzya kutambula ceeco, ino kujatikizya ndiswe? Mwabona? Nywebo mulizi kaambo na? Taakwe noba kazuzigwa a musyobo uuli oonse wa njiisyo. Mwabona?

<sup>69</sup> Twa kali bajisi bantubonse. Dr. *Niini-a-niini* ulaamba, "Ncimo cakwiindilizya." Oyu umwi uumbi waamba, "Nkukwabana kwa mizeezo." Oyu waamba, "Taakwe cintu kuli ncico." Oyu waamba, "Ngu dyabulosi." Yebo tozi eco ca kusyoma. Ako nke kaambo neo cili ciyumu. I busena buyumu maningi kuba a miswaangano ya kuponesegwa buli mu U.S.A. Mbo mbubo.

<sup>70</sup> Okuya, balo okuya, tabazi cintu akwalo. Tabana kumvwa cintu. Yebo wa baambilala. Bali buyo mbuli mwana. Bala cizumina a kucisyoma, mbaabo baunka.

<sup>71</sup> I Mwami atu gwasye lino. Lino, ciindi buyo comwe cimbi ku komba. Ta tukonzyi kukomba maningi, eco ncintu comwe. Bbaibble lyakati, "Ndi yanda kuti bantu kabakomba koonse, kabanyamuna maanza aasalala."

<sup>72</sup> Kotu tambula, Mwami, mu luswaanano Lwako awa, mbuli mbo tulituula kuli Nduwe, luswaanano lwa Ijwi Lyako, nkambo Uli Ijwi. Twa lombwa mu Zina lya Jesu, koamba ku myoyo. Ameni.

<sup>73</sup> Twa kasiya Abrahamu masiku ainda mu... Twa katalika a nguwe, alimwi omuya mu cipati ca 22 ca Matalikilo, oko nkwa kali kutuula mwana wakwe alikke, cikozyanyo ca Leza kapa Mwana Wakwe. Twa katalika kusule mpawo, kaloka kujoka

kuyo mubweza alimwi, buumi bwakwe, elyo ta tunazwa kuli mbubo pe. Twa kamusiya, busiku bwainda, kutandila cipati ca 16 na 17. Nda syoma, cipati 15 mpaawo mpo twa kamusiya. Elyo tuyu sola ku cimanizya sunumasiku, nkaambo Ndi jisi mulumbe wa kuponesegwa buyo kwa Buleza, Mwami nawayanda, wa juunza masikati.

<sup>74</sup> Elyo lino mweembeli aumwi uli tambwidwe. Koleta mbunga yako. Koboola okuno a kwiimikila ambabo ku mupailo.

<sup>75</sup> Lino tula mvwisya kuti ziindizimwi kuti Jesu wakacita zintu, alimwi Ula cita zintu ziindizimwi . . . Yebo wati, “Nkaambonzi Nca kalekela zintu ezi mpawo, Mukwesu Branham? Nkaambonzi Nca kalekela zintu ezi kuba?” Ziindizimwi zila citwa kukusola lusyomo lwako, ziindi zinji. Tu . . . Elyo Ula cita zintu zyeenzu. Nkaambonzi Ta endela buyo a kwaamba, “Ndime *Oyu*, alimwi Ndime *Oyo*.” Ta kacita ceeco mu busena butaanzi. Mwabona, Ula cicita kukusola lusyomo lwako.

<sup>76</sup> Amulange, bapaizi bakayeeya kuti antela Wa kali kuyo seluka a kukanana kuli Kayafasi, mupaizi mupati. Pele mbobuti Mbwa kazyalwa? Mu cilido cabanyama. Elyo wakakakwa ncobeni kwiinda ku bantu Bakwe Beni a tubungwe Twakwe twa mazuba ayo.

<sup>77</sup> Lino tu jana kuti, ciindi cimwi, Jesu kakanana. Ndi yanda buyo kulangilila kabalululo kamwi kaniini awa Nke yanda kubamba. Jesu waka jisi bbunga pati lyaka Mu zungulukide, nkabela kuboneka mbuli kuti kwakali banji loko, aboobo amulangilile eco Nca kaamba. “Mwa talya mibili wa Mwana wa muntu, a kunywa Bulowa Bwakwe, tamukwe Buumi.” Lino ino muyeeya nzi kuti dokotela wa masilike, na kufumbwa muntu mupampu, mbwa bakalino yeeya cindi niba kamvwa Muntu oyo waka jisi zina lyakuba mwana wamusokwe a mbuli muzangi loko ku bantu ba buzuba obo, kwiimikila a kubamba i—i kabalululo mbuli boobo, “Mwa talya mibili Wangu a kunywa Bulowa Bwangu”?

<sup>78</sup> Baa, bakali kunga bati, “Oyo mufu uunyonka malowa abantu. Baa, ma! ‘Kunywa Bulowa bwa Muntu, a kulya mibili Wakwe?’ Yebo ombunga koazwa ku Muntu uusondokede.”

<sup>79</sup> Ta ka cipandulula. Ta ka cipandulula. Ta keelede ku cipandulula. Mbo mbubo. Wa kali kuyanda buyo kubona musyobo wa lusyomo ndo baka jisi.

<sup>80</sup> Mwabona, nywebo, ikuti na mula syoma, mula syoma, Nse kwe ndaba eco umwi ncaamba. Ikuti na Nda kombela bantu bali zyuulu zyosanwe sunumasiku, nkabela boonse bali zyuulu zyosanwe bafwa sunumasiku, kuseeni inga ka Ndino cipailila baciswa. Mwabona? Nceeco Leza ncaamba, nceeco cijisi makani. Tacili ceeco bantu ncoba cita. Mwabona?

<sup>81</sup> Elyo, Leza, Wa—Wa kati, “Elyo mwatalya mubili wa Mwana wa muntu, a kunywa Bulowa Bwakwe, tamu jisi Buumi muli ndinyewe.”

<sup>82</sup> Ee, ma, bantu abo, nkamu eyo yabupampu, baa, baa, ba kati, “Amuzwe ku Muntu oyo. Uli sondokede. Walo muntu unyongene. Baa, Mufu uunywa malowa aabantu, ‘kulya’ oyo mubili wa Muntu.” Lino, Ta ka cipandulula.

<sup>83</sup> Lino Wa kajisi bakambausi bali makumi ali ciloba baka salidwe a Nguwe. Wa kayeeya kuti Wa kajisi bbunga pati maningi okuya, aboobo i—i bbunga lyaka tantamuka kuzwa kuli Nguwe. Aboobo Wa kajisi bakutausi bakananikwa bakkede alya, abo Mba kabatuma kumasena, bali makumi ali ciloba. Wa kati, “Ino uyo amba nzi cindi mwa kubona Mwana wa muntu katanta kuya ku Julu oko Nkwa kazwida?” Lino, Ta ka cipandulula.

<sup>84</sup> Elyo balo bakambausi bakati, “Oyu muntu kutanta kuya ku Julu oko Nkwa kazwida? Baa, tuli Mu zyi. Tu balizi banyina Bakwe. Twa kali ku cimpati oko Nkwa kazyalilwa. Twa kabona kalo omo Mwa kali kuli yumbwa. Twa kazela nswi a Nguwe. Twa kali lede awa aa nkomwe a Nguwe. Elyo oyu Mwana wa muntu ‘kutanta oko Nkwa kazwida’? Wa kazwa ku Betelehemu. Kulaali oku kwa, ‘kutanta’? Eco ncinji loko kuli ndiswe.” Elyo baka Mu tantamuka. Ta ka cipandulula. Ta kacita.

<sup>85</sup> Ta keelede kupandulula cili coonse. Leza ta elede kupandulula cintu. Ngu Leza. Walo ucicita buyo, nkaambo Wa ka cisyomezya. Ta cipandululi.

<sup>86</sup> Mpawo Bakwe balikke bali kkumi ababili baka syaala. Elyo Wa kavuuluka a kubalanga, kati, “Nda kamusala nobali kkumi ababili, elyo umwi wanu ngu dyabulosi.” Wa kati, “Sena muyanda kuunka, anywebo?”

<sup>87</sup> Mpawo Petro wakaamba majwi ayo mapati, “Nku ulini nko tunga twa unka, Mwami? Nkambo tuli masimpe kuti Uli jisi Ijwi lya Buumi.” Ba ka Ci bona antangalala loko; tacikwe makani eco bapaizi ncoba kaamba, eco kufumbwa muntu uumbi nea kaamba. Ba kalizi mpoonya alya, kuti, Wa kajisi Ijwi lya Buumi. Kati, “Uli jisi Ijwi lya Buumi.”

<sup>88</sup> Elyo lino tula bona, takukwe makani eco bamwi ncoba kacita, obo mboba keenda kuzwa, abo basikwiya bakali kanzidwe, bakali salidwe ku Buumi Butamani. Peepe, tiiba kakonzya ku Ci pandulula, tiiba kakonzya ku Ci pandulula biyo mbuli bamwi babo mbo bakali kukonzya. Pele kwakali cintucimwi muli mbabo, eco—eco ciiminina ku Julu. Ii muyeeyo oyo Leza ngwa kajisi wa mbabo kuzwa ku malengelo aa inyika, wakaliyubulula mwini awa, alimwi bakali swaangene a Leza alimwi bakali masimpe kuti eco cakali cisyomezyo ca Leza cakasimpikizigwa, alimwi kwiina cintu ciyo cicinca kuzwa kuli mbabo. Obo Bunakristo, bwakasimpe ncobeni.

<sup>89</sup> Sunu, bantu bali cintucimwi mu bweende mbuli mbo bakabede mu mazuba cindi basikwiya nibakali mu lwizi. Elyo busiku bumwi guwo lyamvula lya kayutuka, nkabela kwakanyina cintu; bulangizi boonse bwakali manide, bwa kusola kufutula. Elyo baka Mu bona kasika, keenda aa i—i—i maanzi. Lino bwato bwabo bwakazwide maanzi nkabela ziyambyo zyakali tyokaukide, amasila akuyambwa akanyonyooka, elyo bakali jatene kuli umwi aumwi, kabakwiila. Elyo bakalanga okuya a ku Mu bona kasika, keenda aa maanzi, nkabela baka Mu yoowa. Bulangizi bwabo bulikke, alimwi bakali kuyoowa cintu cilikke cakali kukonzya kubavuna. Ikuti na eco tacili ciimo cakasimpe sunu, alubo! Ba—ba kayeeya kuti cakali kuboneka mbuli musangu. Nywebo mulizi, ba katи ba koompolola, nkambo ka buyoofu, “Calo nceelo!” Wa kaboneka loko mbuli simuuya. Eco nce cintu nciconya mbo cibede sunu.

<sup>90</sup> Pele ikuti na moyo cita buyo mbuli mbo bakacita cindi niba koompolola; ba kamvwa jwi eelyo kali boola, “Muta yoowi. Kwalo Ndime. Muta yoowi. Amube a camba cibotu.”

<sup>91</sup> Elyo ikuti na moyo langilila buyo Ijwi lya cisymezyo lya buzuba buno, moyo mvwa kuti jwi ndilyonya kali kanana kwiinda mu Ijwi, “Nde Ndime. Nda kasyomezya kucita eci mu mazuba aa mamanino. Uta yoowi. Uta yoowi. Bikka lusyomo lwako muli Ndime, Mwana wa Leza,” Obo Mbwa bede. Ko cisymoma lino.

<sup>92</sup> Twa kasiya Abrahamu mu Busyu bwa Elohimu, busiku bwainda, awo mpa...twa kamuleta ansi kwiinda mu zisyomezyo. Elyo lino cisymezyo camamanino kakutanaba kuboola kwa mwana, tu jana kuti Muntu wakayutuka; kasamide mbuli muntu, kalya mbuli muntu, kaambaula mbuli muntu; elyo Abrahamu waka Mu langa aku Mwi ita kuti Elohimu, “Elohimu.” Bobilo baka selemukila ku Sodoma, kuyo kambauka kunselelo okuya. Elyo twa kakozyanisa obo bubambe sunu. Nywebo nyoonse mula yeeya kaano awo mpo twa kakasiya. Cakulondoka buyo cintu nciconya mbuli Jesu mbwa kaamba kumbele kuti ciyooba, kuti, “mbuli mbo kwakabede mu mazuba akwa Sodoma,” cintu nciconya cili kkede mu busena mbubonya sunumasiku. Elyo ikuti...

<sup>93</sup> Sunu Ndali kkede awo, alimwi Nda kali kugambwa, alimwi Nda ambwa koonse kujatikizya eci. Ba kamvwa muzuzumo wanyika uumbi kuucitika kunselelo okuya, elyo ba katи, “Kuzungaanya masi alimwi.” Elyo Nda kayeeya, ncinzi eci? Nywebo mulizi, caka citwa ali Bwasanu Bubotu. Nywebo mulizi, myaka yakainda ili myaanda ili kkumi afuka, ali Bwasanu Bubotu, mbungano yakakaka Jesu Kristo, a muzunzumo wanyika waka zungaanya nyika yoonse. Elyo baka Mu kaka alubo, mu Bukkalo bwa Laodikeya, mbuli Bbaibbele mbolya kaamba kuti bayo cita, baka Mu bikka aanze.

<sup>94</sup> Alimwi eyi kkanso ya bapaizi iya Mambungano ili mbubonya aceeco ncobali mukucita. Ba leka kuyiisya kwabo kwa buvangeli a zintu. “Mbobuti bobilo mbo bakonzya kweenda antoomwe citakuti bazuminana?” Ee, to konzyi kucicita.

<sup>95</sup> Eco tacika beleki a Banakristo, beni ncobeni. Taba ka tambuli. Peepe, munene. Ii Munakristo wakazyalululwa ta kanjili mu kooze mbuli boobo. Cili buyo mbuli kubikka dakisi mu i—mu cizangala. Ba lizi liya ku cijailo. To kali njizyi muli ceeco. Aboobo tu...Ii Munakristo wini wakazyalululwa uyo tantamuka kuzwa kuli ceeco.

<sup>96</sup> Lino Abrahamu wakali imvwi alya a kaambaula ku Muntu oyo wakafutete sule Lyakwe ku tente oko Sarah nkwa kabede. Elyo lya Abram...zina lya Abrahamu, buzuba na obilo kakutanaba obo, wakali Abram; a Sarai, elyo lino ngu Sarah, kuli Abrahamu. Elyo Wa kaita Abrahamu mu zina lyakwe lyawisi, lya bupaizi. “Abrahamu, uli kuli Sarah (*sibwami mukazi*) mukaintu wako?”

Wa kaamba, “Uli mu tente, kunze Lyako.”

<sup>97</sup> Wa kati, “Ndiyo muswaya kweendelana ku cisyomezyo, ciindi ca buumi,” mu majwi ambi, “mweezi umbi. Elyo Ndiyo muswaya mbuli Mbwe kasyomezya.”

<sup>98</sup> Kali kulindila kwa myaka ili makumi obilo ayosanwe lino ku mwana oyu waka syomezegwa; kutali kuzungaana kutasyoma ku Ijwi lya Leza, pele wakali tuyumu, kalumbaizya Leza. Amulange eci lino.

<sup>99</sup> Elyo mpawo Sarah, mu tente, ikuti na twa cibikka mu bwaambe bwa mu tugwagwa, kubaanga nku museka moyo wakwe, kati, “Mebo, mucembele, myaka ili makumi ali fuka yakukomena, alimwi kuba—kuba a musaalo a mwami wangu, mulumi wangu, walo okuya myaka illi mwaanda yakukomena?” Kaleka kuba mbuli mulumi a mukaintu; myaka, minji minji.

<sup>100</sup> Elyo—elyo Muntu, a sule Lyakwe kali futete ku tente, kati, “Nkaambonzi Sara wabuzya ceeco, kaamba mu moyo wakwe zintu ezi?” Mwabona? Elyo munzila eyo Abrahamu waka muziba kuti Oyo wakali kukanana kuli nguwe. Oyo wakali Elohimu, nconzyo. Citondezyo cakwe cakatondezya kutaminina Kwakwe. Kati, “Ndiyo muswaya.” Nkaambonzi Nca kaamba kuti, “Ndiyo”? Mbobuti Mbwa kamwiita kuti Abrahamu? Kakuli, Wa kali Nguwe waka mupa zina. Mu ciiminizyo, kutali mu busyu bwa muntu; kutondezya cigaminina eco ciyo citika. Kamupa bwami Bwakwe bwaka simpikizigwa a Ijwi lya kasyomezegwa, kuti oyu Muntu wakali kwaambaula kuli nguwe wakali Leza, Elohimu.

<sup>101</sup> Lino tu jana kuti, mu Bahebrayo capita 4 a kampango ka 12, mbuli mbo Nda kabululula ziindi zyobile, kale, masiku masyoonto ainda, kuti, Bbaibbele lya kati, “I Ijwi lya Leza lila tweluka miyeeyo ili mu moyo, maseseke aa moyo.”

<sup>102</sup> Elyo cindi Jesu nakali kukonzya kulanga aa mbunga a kutweluka miyeeyo yabo, a kwaambila mwanakazi balumi mba kajisi, kaambila Nataniyeli oko nkwa kabede, oko kwakali kusimpikizigwa kuti Wa kali Mesiya oyo, Leza, Emanueli, nkaambo Wa kali Ijwi.

<sup>103</sup> Eyo nje nzila basinsimi mbo bakabede. I basinsimi bakali kulanganisigwa kuba tuleza. Mula mvwisya eco. Jesu wakaamba boobo, Mwini. Kati, "Mbobuti mbo mukonzya ku Ndipa mulandu? Kakuli, mwiita baabo Ijwi lya Leza nkoli boola, mubaita kuti 'tuleza'. Elyo mbobuti mbo Ndi pa mulandu, cindi Nda amba kuti, 'Ndili Mwana wa Leza'? Elyo ikuti na Nse citi milimo ya Taata Wangu, nkokuti muta cisyomi."

<sup>104</sup> Wa kali Ijwi lya Leza lyaka simpikizigwa lya bukkalo obo. Lino ikuti Na kaboola a citondezyo ca Musa, nica taka beleka. Ikuti na Musa naka boola a citondezyo ca Nowa, tii caka sinsimwa eco ku buzuba obo.

<sup>105</sup> Elyo boonse aba bamafundisi, alwiyyo lwabukombi, a zikolo zipati, a zikolo, a bakutausi bakaiya; kwalo kuli kaboutu, ta tuci lwana, pele oyo tauli Mulumbe wa oora. Eco cakali ca buzuba obo busiyasiya.

<sup>106</sup> "Kuyooba Mumuni ku ciindi caku mangolezya." Wa kasyomezya zintu ezi. Nda ka cibala alimwi elyo alimwi okuya, kuzwa ku Ijwi. M bubonya mbo cakabede kaindi, Wa kati ciyooba alubo. Nda konzya kucijatanya a Lugwalo loonse mu Bbaibbele, a kumu tondezya kuti Mbwini.

<sup>107</sup> Lino, kutaminina Kwakwe kwaka simpikizigwa cindi Na kati nguni, Sarah, eco nca kacita kunze Lyakwe. Lino amubone, Wa kasyomezya, mweezi utobela uyo mita, "kweendelana ku ciindi ca buumi," Wa kaamba.

<sup>108</sup> Lino amubone, kazila ka Abrahamu kakali cikozyanyo ca Lunyungu lwabwami lino. Ikuti na mwalangisya, Abrahamu, cisyomezyo cakali kuli nguwe a ku bana bakwe kuzwa nguwe. Elyo mpawo bana bakwe bakali, lutaanzi, lunyungu lwa kunyama, elyo mpawo Lunyungu lwabwami olo wakali Kristo. I lunyungu lutaanzi, lwakali kwiinda ku lulalano, kwasika Izaka; pele kakutakwe lulalano, kwaka boola Jesu, Lunyungu lwabwami.

<sup>109</sup> Lino kuti, Bulowa, mwabona, tula futulwa ku Bulowa. "Elyo kakutakwe kutilwa kwa bulowa, kwiina kujatilwa."

<sup>110</sup> Amubone, Jesu takali mu Juda. Jesu takali Munamasi. Jesu wakali Leza. Ta kali obo, Ta kali kukonzya kuba mu Juda na Munamasi. Amulange, kunkwela ya mweenze izyala hemoglobini, lili ndi seelo lya bulowa. I mbuto ili mu seelo lya bulowa.

<sup>111</sup> Nda mumvwa nobantu awa, bunji bwanu... Nda kali kweenzya koonse buzuba bumwi, kulangilila balimi banu—banu

balimi, alimwi muli jisi nkuku. Lino, nkukunseke inga yatula jii, muyuni mutumbu mucembele inga watula iji; pele ikuti na takaba a sinkwela nyina oyo, tali konkolwi. Nekubabooobo, ula konzya kutula iji, nkambo iji lili mu i—mu i...mu inseke. Pele, bulowa, alimwi buumi buli mu bulowa.

<sup>112</sup> Aboobo, nkikaako, buumi Bwakwe bwakali buumi bwakalengwa, taakwe bwakamena kuzwa ku muntu umwi.

<sup>113</sup> Elyo mpawo iji tii wakali Mariya, nkaambo ikuti na iji lyakali Maria...Mbuli bunji bwa ba Protestant mbo basyoma, a Katolika, ayalo, kuti iji wakali Mariya, lino i...lyakali iji lya Mariya, ku Mu bamba kuba muntunsi. Peepe, ikuti na seelo lya bulowa lyakali Leza, mbubonya iji lya Leza, nkaambo Maria takali kukonzya kuleta iji eelyeo aansi...Nywebo mulizi, mula mvwisya eco Nce kanana. Wa...Ta kakonzya kucita ceeço kakutakwe kunyanyamukwa. Aboobo, a—a kunyanyamukwa, ncinzi nco bamba Leza kucita mpawo? Kuba kunkwela alubo. Mwabona?

<sup>114</sup> Aboobo iji a seelo lya bulowa wakali Leza. Ameni. Eco... Amusyome eco, alimwi muyoba a lusyomo lwa kweenda kuya kunembo. Ta tu futulwi ku bulowa bwa Cijuda, na ku bulowa bwa Bamasi. Tula futulwa kwiinda ku Bulowa bwa Leza, Mwini, seelo lya Bulowa lyakalengwa.

<sup>115</sup> Mbuli mbo Nda amba, amubweze bayuni aba bakaindi batumbu. Ci boola kuba ciindi cabutololo. Nda kali kubona buzuba bumwi, obo mbo bakali kubweza bwizu a kuya mujulu a kupanga ziteente zyabo. Lino inga wainka atala alya akupanga citeete akutula citeete cizwide maji; a kwaakumba, akwa fukatila, a kusyomeka loko ku maji kusikila ya—ya waubauka loko cakuti takonzyi kuuluka kuzwa ku citeente, kuya kulijanina cintucimwi cakulya. Pele ikuti na takali antomwe a muyuni mukombwe, taba kakonkolwi. Taakwe munzuka. Nywebo mulizi obo. Ayo kkala mu citeente, a kubola.

<sup>116</sup> Elyo nje nzila ya mambungano esu amwi. Tu jisi buyo citeente cizwide maji abolede. Taba jisi lusyomo lwa Abrahamu. Nciindi caku salazyaa citeente a kutilika kujokela, kunjila mu kukwabana; kutali a kabunga kamwi, seminari imwi ya lwiiyo lwabukombi. Pele amunjile mu kukwabana a sinkwela nyina, Kristo Jesu, Oyo uleta camutunzya ku Muuya wa Buumi uli muli ndinywe. Ngo Nguwe ukubamba ku Ci syoma. Kosalazyaa ziteente a kutilika alubo. Yebo wabaumauma kusule a kuba bikka mukati, a kuba bamba madaikona, a kukwata ziindi zyone na zyosanwe, a zintuzyonse. Ni nyika nzi nko tuboola, nekuba? Kuba tumina ku seminar akunjiya ayo maanzi akucitya imbaumu muli mbabo, aku bajosya.

<sup>117</sup> Elyo okuno buzuba bumwi, aku yeeyela, katondezya eyo peseenti ili nante naini ya bakambausi bana Protestant mu cisi coonse, taba syomi mu Kuboola kwini Kwabili kwa Kristo.

Mapeseenti ali makumi ali lusele aciloba alakaka kuzyalwa kwa nakalindu. Amu ciyeeye eco. Ncinzi ca bana besu ncobaya kulanganya kulaale?

<sup>118</sup> Leza, ko tujosya ku Lusyomo alubo olo lwa kapegwa ku basalali ciindi cimwi.

<sup>119</sup> Abrahamu, amulangilile kazila kakwe mbuli mbwa boola, wa katondezya mbubonya a mbungano. Koonse oko Abrahamu nkwa kacita, kwa... Twa kalangilila mbungano. Ikuti ni twali jisi mvwiki na zyobilo okuno, kuba kokuno, Nda konzya ku mutondezya, ntaamo ya ntaamo. I mbungano yabamba kazila nkakonya. I citondezyo camamanino wakali Leza, Ijwi lyaka syomezegwa kali kanana kuli nguwe, mu mibili wabuntunsi. I cisyomezyo camamanino inyika ya Bamasi kiitana kunyonyoonwa, eyo yakali Sodoma a Gomora. Lino amuyeeye, Abrahamu, kale, kajisi... Leza wakalibonya kuli nguwe mu ziiminizyo zinji, a mimuni, a ziimo, a zitondezyo, pele Leza taka boola kuli nguwe mbuli muntunsi a kukanana mu jwi limvwika, mbuli muntunsi, kuzwa ku muntunsi. Elyo, amuyeeye, cisyomezyo cili libambilide lino ku zulizigwa, Sodoma iyo umpwa, mulumbe wamamanino uli mukucitika.

<sup>120</sup> Elyo njeeyo yainka mbungano ya kuzina buyo, kabungwe kambungano, mubwini. Mpaawo, mpaawo kwainka syaasunu Billy Grahan kumusanza okuya, kuya kubagusya.

<sup>121</sup> Njeeyo Mbungano Insale, kutali mu Sodoma; yakaitwa kuzwa, kapambulwa. Ba kajisi mutumwa. Amubone, nkamu ya Abrahamu yaka jana Mulumbe. Elyo lino wakali nzi? Leza, oyo wakali kwaambaula kuli nguwe kuzwa ku matalikilo, mu ziiminizyo a ziimo, a zintuzyonse, zya kayutuka ncobeni. Elyo lino Ula liyubununa Mwini mpoonya awa mu mibili wabuntunsi, a kutweluka muyeeyo uli mu moyo wa Sarah, kunze Lyakwe. Elyo Abrahamu wakati, "Ngu Elohimu, Umwi Ulijisilidi Zyoonse." Amuyeeye, mpoonya buyo kumane eco, Sodoma yakapy. Amu ciyeeye.

<sup>122</sup> I mbungano inga yaba a citondezyo cayo camamanino. Mwabona, tu jisi... Mwa kaongolola, mwa kajisi kululamikwa kuli Luther; kusalazigwa kuli Wesley, ciindi cipati, koongolola, kutangala; kukanana mu myaambo, bupanduluzi bwa myaambo, kuponesegwa kwa Buleza. Pele mpaali mpo tubebe lino? Leza kakanana mpoonya akati kesu, kwinda muli ndiswe, cakumvwika, mbuli buyo Mbwa kacita okuya. Elyo Wa kasyomezya kucicita. Eco nce cintu. Tacili cintucimwi nco twaka panga. I Bbaibbele lya kaamba booboo. Jesu wa kaamba kuti Uyo cicita, kuli bamba Lwakwe alubo.

<sup>123</sup> Amubone, elyo mpoonya buyo kumane eci, Abrahamu waka lombelela Lota. Elyo Wa kati na Ula konzya akwalo kujana bantu bali kkumi, Inga nakauvuna. Pele Ta kakonzya akwalo kujana abo, batumwa kumusanza okuya. Ba kakaka batumwa.

<sup>124</sup> Mbuli kalimbabula ka Billy Graham, cindi nakali mu dolopo Iyesu, mu Louisville, Kentucky. Nda kali ku kalimbabula kakwe. Wa kati, "Nda inka mu dolopo," wa kati, "Nda . . ." Wa kajatilila Bbaibbele. Walo musyomi mulemu mu Bbaibbele. Wa kati, "Nda inka mu dolopo alimwi Ndi jisi i—i muswaangano wanguzu, Ndi jisi basanduki bali zyuulu zili makumi otatwe, na kusala." Wa kati, "Elyo Njo jokela, myeezi ili cisambomwe kuzwa awo, Nse konzyi kujana bali makumi otatwe." Elyo wa kati, "Paulo waka njila mu dolopo a kusandula musanduki omwe, elyo cindi naka jokela, mwaka niwakamana, oyo musanduka wakabamba basanduki, basanduki taimuzi basanduki, mane wa kajisi basanduki bali myaanda kwinda kuli oyo omwe." Wa kati, "Lino ndipenzi nzi?" Wa kati, "Nywebo nonkamu ya bakambausi batolo." Wa kati, "Mula bikka matende anu atala lya desiki, elyo muunki a kuswaya bantu abo."

<sup>125</sup> Lino ino Ndimeeni, muntu uutayiide mbuli ndime, ku kazyu muvangeli mupati? Pele Nda kali kuyanda kwaamba bbala lyomwe kuli nguwe. "Billy, ino mukambausi nzi musanduki wa Paulo ngwa kabweza." Mwabona?

<sup>126</sup> Kakali kaambo kakuti Paulo waka musakanya kweelede, kuti Kristo wakasika muli nguwe alimwi wa kali Mulilo muumi, kuyabuya ansi ku Busyu bupona. Kutali nkamu imwi ya bupampu, na sikusanganya umwi, na kujana bulembu bumwi busainidwe, na kusyomezya kuti uyo boola ku mbungano. Ku mutole ku lubbizyo Iwa Muuya Uusalala, elyo mpawo uyo—uyo suka Mulilo, uyo zyala bana. Mbobuti mbo konzya kucicita kakuli musundi? Ta konzyi kuba a bana citakuti ujisi Buumi mwini. Alimwi nzila biyo eyo cimwi mbo cikonzya kuli sabalanganya cini, nkwinda ku nseke. Elyo nseke Muuya Uusalala oyo wakali muli Kristo, uli mu musyomi.

<sup>127</sup> Lino tula bona, citondezyo ca Leza camamanino kuli Abrahamu, mubwini, wakali Leza, Ijwi. Amuyeeeye, Leza Ijwi lyaka syomezegwa eelyo lyaka musyomezya kuzwa kumatalikilo, lya kaamba kuli nguwe mu mubili wabuntunsi. Ii Muntu kaimvwi alya, kaambaula kuli nguwe, katweluka miyeyeo eyo yakali mu moyo wa Sarah; a nguwe, kunze Lyakwe, mu tente. Eco cakali citondezyo camamanino. Amubone eno. Wa kali boneseye kale kuli nguwe, mu ziiminizyo zinji, a zimwi zimbi, mbuli mimuni ili boobo, a—a mulilo, azimwi zimbi, kabonekela kuli nguwe, pele lino amubone. Elyo mpoonya biyo . . .

<sup>128</sup> Ndi yanda kuti mubone eco cakacitika ku banabukwetene bakaindi. Lino Nda syoma tamu kondi bala kuba uugambya. Alimwi—alimwi ikuti na to cisyomi eci, ko cisiya cilikke, buyo, wabona. Pele Ndi yanda buyo kumwaambila eco Nce yeeya cakacitika.

<sup>129</sup> Sena mwakabona lino, mbobuti Sarah mbwa yooba a muvwanda oyu? Lino ula myaka ili mwaanda yakukomena. Lino

muntuumwi wati, "Ee, cakali andeene mpawo." I Bbaibbele lyakati zyalilo lyakwe lyakali fwide, alimwi Bbaibbele lyakaamba kuti bobilo bakali cembeede-loko mu kukomena.

<sup>130</sup> Pele Uli mukucita kuli Sarah a Abrahamu, kuboola antoomwe mu nzila eyi, mbuli buyo Mbwa kasyomezya kucita ku Lunyungu lwabo. Elyo Wa kacicita! Nda konzya kutondezya ceeeo, mbuganya buyo matantilo ayo Abrahamu nga kabweza. Lino amulange awo mpabede awa lino cindi oyu Leza nakasika a kwaambaula kuli nguwe, mu mubili wabantu, kalizibya Mwini kuli nguwe. Mpoonya biyo lino . . .

<sup>131</sup> Mbobuti Sarah mbwa yooba a muvwanda oyu? Lino Abrahamu waka pona anguwe, alimwi antela wa kali . . . Lyaka, "Mubili wakwe wakali mbuli buyo uufwide." I Bbaibbele lyakati mbo wakabede. "Mubili wakwe lino ulifwide. Zyalilo lyaka Sarah kalifwide. Pele ta kazungaana. Nekubaboo, wa kacisyoma." Lino amulange, ikuti na Sarah . . .

<sup>132</sup> Ndili mu bbunga lisangene, nkabela amundi jatile, nobacizi. Elyo inga waswiilila kuli dokotela wako; nkabela Ndili munyoko. Pele lino amubone. Sarah, kali a myaka ili makumi ali fuka yakukomena, uli cembeede loko kunjila mu kutumbuka. Oyo moyo niwa kakuzunda. Nywebo mulizi obo. Elyo cintu cimbi, insinga zya mukupa zyakwe zyakali yuminide. Tiiba kajisi zyanseba mbotu a mabbodela mu mazuba ayo. Mwabona, kacita kuba mutumbu unyonsya. Amubone. Aboobo mbobuti Mbwa yocicita? Mbobuti mbwayoba a muvwanda oyu? Zyalilo lyakwe lili fwide. Lili fwide mu mubili wakwe, lwakwe, nkabela Abrahamu uli fwide.

<sup>133</sup> Nywebo mulizi eco Nea kacita na? Wa kabacinca. Wa kabasandula kuba mwaalumi mukubusyi a mwanakazi mukubusyi. Nda konzya kucitondezya eco. Wa kababamba kuba mwaalumi mukubusyi a mwanakazi mukubusyi, waka bapindamuna kuba bakubusyi alubo. Oh, ino ncisyomezyo cibotuloko!

Yebo wati, "Oh, Mukwesu Branham!"

<sup>134</sup> Ee, amulindile buyo aniini. Muta . . . Amu jatilile buyo. Eci inga canyonganya buyo aniini, kuli situlao, pele Ndi—Ndi yanda kuti mubone ceeei lino kwa kaindi kaniini. Lino tu yiisya buyo mbuli ciyo cakwiya Munsono aali ceeei. Wa kabasandula kuba mwaalumi a mwanakazi mukubusyi alubo, kutandila myaka ili makumi obilo yakukomena.

<sup>135</sup> Abrahamu, lino amulange, uli cembeede. Malezu aakwe kalengelela ansi. Mubili wakwe wakali mbuli ufwide. Maboko Aakwe, maniini akaindi alukanda lulileka. Sarah, shawelo niini a ciwezo cakwe a kangowani kaniini, banene baubauba kaba papalika kweenda a kasako.

<sup>136</sup> Nda konzya kubona cifumo cakacilila. Baa, Abrahamu kajisi ntunda kusule lyakwe, masusu aamvwi kalengelela. Elyo

Sarah wakati, "Abrahamu, omuyandwa, baa, cilezu cako—cako casanduka kusiya." "Baa, Sarah, alo meso mabotu ali mukumweka mbubonya buyo mbwa kacita lyoonse. Masaya ako ajisi bubotu muli ngawo." Zuba kalitana kubbila busiku bwakatobela, waa kabweeda kuba mwanakazi mukubusyi, awalo wa kaba mwaalumi mukubusyi.

Yebo wati, "Bufuba, Mukwesu Branham!"

<sup>137</sup> Oh, iiyi, cakali obo, acalo. Amubone lino cisyomezyo cibotu a cikozyanyo ca Lunyungu lwabwami ilwa Abrahamu, cakufwambaana kaciboola. Amuyeeye, sa calo ncisyomezyo? Iiyi, tuyo cincwa. Ba kacinca kujoka ku mwaalumi a mwanakazi mukubusyi, kutondezya buyo ncobeni eco Mbungano, Lunyungu lwabwami, ncoluya kucitwa.

Yebo wati, "Sa eco ncisyomezyo?"

<sup>138</sup> Batesalonika Bataanzi 4:17, "I mweembo wa Leza uyo lila, nkabela tuyo cincwa mu kaindi kaniini, mu kulaba kwa liso, kuya kukwempwa antoomwe." Nkaambonzi? Mubili wakwe, mibili yabo, ya keelede kucincwa kutambula mwana. Elyo mibili yesu, iifwika mibi iyo elela kucincwa, kutambula Mwana, nkaambo tuyo kwempwa. Tuyo elela kuba mibili wandeene kuzwa kuli oyu, nkambo tuyo kwempwa mu mulengalenga, kuyo Mu swaana. Ameni. Tai le—. Moonya buyo a Magwalo, nywebo mwabona. Ba kacincwa. Ikuti na tuyo sola kuswaana Mwami mu mulengalenga, ta tukonzyi ku Mu swaana a musyobo oyu wa mibili, nkaambo tulaangidwe kunyika. Pele tuyo tambula omwe, aleluya, oyo uyo unka kutala mu Kukwempwa.

<sup>139</sup> Elyo cibeela cibotu ca ncico, cili munsi loko. Tula bona zitondezyo zyoonse kazikkede kabotu. Tali koolampa lino, bumwi bwa mafumo aya kuyooba kucincwa. Mwabona?

<sup>140</sup> Pele, amuyeeye, kuyo boola buyo ku Lunyungu olo lwabwami lulikke. I kuboola kwa Jesu kuyooba maseseke loko, bantu bamwi taba kazibi cintu kujatikizya ncico. Sena mulizi, antela taba kabi banji loko. "Mbuli mbo kwakabede ku mazuba akwa Nowa, omo bantu bali lusele mobakafutuka ku maanzi, Mbubonya mbo ciyooba akwalo mu kuboola kwa Mwana wa muntu." "Mulyango uumanikide ayi patide nje nzila, pele mbace bayo iyi jana." Yebo wati kuyooba bali mamillioni okuya; inzya, boonse kwiinda mu makkalo, baka nununwa, masimpe. Pele, obo busena bwa Kukwempwa, awo mpo twiimvwi lino!

<sup>141</sup> Ncinzi ciyo citika bumwi bwa mazuba aya? Bayo amba kuti, "Lino, nywebo mulizi, mpaawa tulii muciindi ca Mapenzi. Nda kayeeya kuti Mbungano ya keelede kukwempwa kakutanaba ciindi ca Mapenzi." Obo Mbwini. Kutali mbungano; Nabwiinga. I mbungano iyoinda muciindi ca Mapenzi, pele kutali Nabwiinga. Peepe, munene. Waa kanununwa. Ta jisi cintu ca kusanzigwa. Walo usalala kale. I Muuya Uusalala wakaboola muli Nguwe a ku Mu salazya, a kugwisya busofwi boonse

a kunombana inyika, alimwi Ula syoma Ijwi eelyo a kuba cibeela ca Ndilyo. Mbo mbubo. Kakutakwe Muuya Uusalala, taakwe cintu cakucita. Ngu Nabwiinga kazwa mu mbungano. Elyo awo, walo, oyo wiitwa kuti “musyaalizi wa lunyungu lwa mwanakazi,” lwaka syaala muciindi ca Mapenzi.

<sup>142</sup> Nywebo mulizi, ciindi cimwi kwainda Magwalo oonse, Isaya, Malaki 3, a Isaya 40, kasinsima zya kuboola kwa Johane Mubapatizi, Johane wakasika ncobeni mu kweendelana a Magwalo. Elyo abalo basikwiya bakasika kuli Jesu akuti, “Nkaambonzi Balembi baamba kuti, Magwalo, kuti Eliasie weelede kuboola lutaanzi?”

<sup>143</sup> Wa kati, “Wa kasika kale, nkabela tii mwa ka ciziba. Wa kasika, elyo baka mucitila mbubonya eco cakeeleded kucitwa, nkabela tii mwa ka ciziba.”

<sup>144</sup> Lino, obo inga bwaba bumwi bwa mazuba aya, inga wat, “Ino kujatikizya Kukwempwa?”

<sup>145</sup> “Kwa kainda kale, nkabela toka kuziba.” “Kuyooba bobilo mu bulo; omwe uyo tolwa, omwe uyo syaala.” Nywebo mulizi, kuli bantu batandila ku myaanda iikubwene ba zimaana aa nyika, buzuba abumwi, nekuba, nywebo mulizi. Taba konzyi ku cibambilia.

<sup>146</sup> Elyo amu ciyeeye buyo, kuusa, kuti bantu bayo zumanana ncobeni kukambauka, a kusyoma kuti bali mukufutuka.

<sup>147</sup> Elyo Nowa waka njila mu bwaato, nkabela mulyango wakajalwa kusule lyakwe, ku janza lya Leza. I zuba lyakazwa, a kubbila, mazuba ali ciloba kacitana citika cintu cili coonse. Elyo bantu baka zumanana ncobeni kukambauka, kuzumanana ku fubaazya, a zintuzyonse zimbi, kutaziba kuti luse lwabo lulikke ndoba kajisi lyonse lwaka jalilwa kuli mbabo.

<sup>148</sup> Amuyeeye, bakutausi bacino yiisya bakambausi a ku batuma, a zintu mbuli ezyo kuya buzumanana, buyo mbungano kai zumanana; akubula luse cakumaninina, akubula cintu, kusinkila cakumaninina; Kukwempwa kwakaba. “Alekwe oyo usofweede ka cisofweede,” Lugwalo lwaamba obo. “Kaboola kale nkabela tii mwa ka cizi.” Amuyeeye kujatikizya ceeco, sunumasiku, beenzuma, a kulangilila eco cicitika.

<sup>149</sup> Takukwe cintu mu inyika cikonzya ku muumbulizya lino pele Ijwi lya Leza. Mwabona? Taakwe bulangizi bumbi; cisi canu, kwiina alionse.

<sup>150</sup> Twa kaligwa mvunyu. Nywebo mulizi obo. Kkomunizimu yalya cintu kumvunyu. Kwalo nkuyeyela... Ci leeleded kuba munzila eyo. Tamu ka cilesyi. I Bbaibbele lya kaamba kuti ciyooba mu nzila eyo, aboobo nywebo tamuka cilesyi. Kwa mana.

Amulibambile Kukwempwa. Eco nce cintu luzutu cakucita.

<sup>151</sup> Batesalonika, i—i ba Tesalonika Bataanzi 4:17 yakati, “Tuyo cincwa,” mbuli Abrahamu mbwa kabede, “a kukwempwa,” mubili wandeene. Lino, Abrahamu, mibili yabo yakaindi ya keelede kucincwa. Aboobo yesu yeelede kuyo cincwa, ku zulizya cisyomezyo. Tuyo elela kucincwa. Lino, yebo watii, eyi mibili yakaindi. Ndi yanda ku . . .

<sup>152</sup> Nda kali kukanana ku Kiwanis, okuno ciindi cimwi cainda. Elyo i—elyo dokotela wakayutuka, kumane, elyo wa kati, “Ba. Branham,” kati, “Nda lumba kwaambaula kwako, pele,” kati, “yebo ulizi, Nse konzyi kusyoma eco—eco—eco, kufumbwa cintu, citakuti cakonzya kutondezegwa munzila yasayaansi, kujatikizya kuzyalwa oko kwa nakalindu a zintu mbuli ezyo, alimwi kujatikizya kuba Leza.”

<sup>153</sup> Nda kati, “Ee, toka Mu syomi, nkaambo to konzyi kutondezya kuba kwa Leza munzila yasayaansi. We elede ku Mu syoma ku lusyomo, ku lusyomo.”

Wa kati, “Ee, Nse syomi cili conse citali casayaansi.”

Nda kati, “Sena uli mwaalumi uukwete?”

Wa kaamba, “Iiyi, munene.”

Nda kati, “Sena ula muyanda mukaintu wako?”

Wa kati, “Nda cita ncobeni.”

<sup>154</sup> Nda kati, “Munzila yasayaansi nditondezeye luyando mbo lubede mpawo. Ndi yanda kuula lumwi, ikuti na wakonzya kundaambila eco cintoolo cisambala misamu eco cilusambala. Ndi luyanda ncobeni.” Nda kati, “Ndi . . .” Mwabona, cintu buyo citete.

<sup>155</sup> Nda kati, “Nda kubuzya mubuzyo. Lino, awa, tu pangidwe kuzwa ku bulongo bwa nyika?”

Wa kaamba, “Iiyi, munene.”

<sup>156</sup> Nda kati, “Tu tambula bulongo obo kwiinda kukulya cakulya eco cizwa ku nyika, alimwi mbuumi bwa zisyango, azimwi zimbi.”

<sup>157</sup> Nyewebo mwabona, ukonzya buyo kuponena ku zintu zifwide. Mwabona? Ikuti na wapona, cintucimwi ceelede kufwa kutegwa ukonzye kupona, cakunyama. Ikuti na walya magwili, akafwa. Ikuti na walya nyama, ng’ombe yakafwa. Ikuti na walya nyama yangulube, ngulube yakafwa. Ikuti na walya zisyu mani, zya kafwa. Calo nciimo ca buumi. Elyo uponena biyo, cakunyama, ku—ku cintu ca cintucimwi cifwide. Cintu cifwide! Lino uta imi biyo ku kubuzyabuzya, mweenzuma, cakuti ukonzya buyo kupona Cabutamani kwiinda ku cintu ca cintucimwi cakafwida nduwe? Kristo wakafwa, inzya, wakabuka alubo, ku kusimpikizya Buleza Bwakwe. Amubone lino.

<sup>158</sup> Nda kati, “Dokotela, ikuti na Nda lya cakulya mpawo, ziindi zyoonse Nda lya cakulya, ciinka mu mubili wangu alimwi cipanga maseelo aa bulowa.”

Wa kati, “Mbo mbubo.”

“Mpawo ciindi coonse Nda lya, Ndi bukulusya buumi bwangu.”

Wa kati, “Ayo ncobeni, maseelo mapya aa bulowa.”

<sup>159</sup> Nda kati, “Ndi yanda ku kubuzya cintucimwi mpawo. Cindi Ne kali myaka ili kkumi acisambomwe yakukomena, Nda kali kulya mapopwe a bunyangu a magwili a nyama, mbuli buyo Mbwe cita lino. Elyo ciindi conse Ne kalya, Nda kakomena maningi a kuyuma kapati. Elyo mpawo cindi Ne katandila kuba myaka ili makumi obilo ayobilo yakukomena, muntunsi aumwi, takukwe makani kunji nkolya, obo mbolya kabotu, unooya bucembala a kukompama maningi. Lino ikuti na Ndi tila maanzi kuzwa ku nkomeki *eyi*, muli imwi *eyi*, nkabela Nda itila kuzula cisela; elyo mpawo Nda zumanana buyo kutila, kumane kuzula cisela; elyo mubusena bwa kutanta, alo selemuka. Munzila yasayansi tondezya kuli ndime nzila eco mbo kacitwa. Mwabona? Mbobuti mbo cibede kuti Ndi lya zyakulya nzizyonya, ku bukulusya buumi bwangu buzuba abuzuba, kweendelana ku... Ko citondezya, munzila yasayaansi cila tondezya kuti Ndili mukukulusya buumi bwangu cindi Nda ba amaseelo aa bulowa bupya, musyobo nguonya wa bulowa Ngwe kabweza cindi Ne kali myaka ili kkumi acisambomwe yakukomena. Pele nkaambonzi, Nda mana kutandila kuba makumi obilo amwi, mpawo takukwe makani Mbwe indila kulya Ndino ya buyabaala, kuya bukomena a kukomena a kukomena loko, a kuya buswena nkoonya kunselelo ciindi coonse? Mubusena bwa ku ndizuzya, mbuli mbo cakacita kaindi, lino cila nditola ansi.” Calo ncipangano. Obo mbo cibede.

<sup>160</sup> Pele Leza wakapanga cifwanikiso, alimwi Wa kaku jata cindi nokali kutandila myaka iili makumi obile yakukomena, ikuti na taakwe cintu caka nyonganya mbuli mulombe muniini mulema uukkede awa. Cili buyo mbuli ii–ii cisiko capopwe catalika kukomena, a cintucimwi ca ciyaama akucibamba kukomena kacipilingene; ikuti na wakonzya kweenzya cintu eco cimpelenge caka cibamba kucita ceeco, cisiko ciyo lulamikwa. We elede kucita. Kwa mana. Amubone, ikuti na taakwe cicinyonganya, mpaawo wee, mulindu mubotu mukubusyi, mwaalumi mubotu mukubusyi. Yebo a mulumi wako kamwiimvvi antoomwe, Adamu a Eva basyaasunu kuzwa ku matalikilo. Leza wakati, “Mbaabo we. Lino lufu ko–ko batobel. Inga watalika kubatola, pele to konzyi kubatola cabuzule mane Nka ite.” Lino ino ncinzi? Calo nciimo ca cimvule. Oh, ma! Mwabona?

<sup>161</sup> Nce ncico ncobeni Nca kacita kuli Sarah a Abrahamu. Wa kabagusya kucembaala. Kucembaala ncitondezyo ca lufu. Elyo taba kabi zitondezyo zya lufu ku Julu. Mwabona, kwiibaluka koonse kwa lufu kuyo gusigwa, nkabela takukabi kucembaala. Toonse tu yooba bakubusyi. Calo nciimo buyo eco Leza nca kabikka mu bukubusyi bwako. Elyo lino Leza wakatola a kubikka Abrahamu a Sarah kujokela nkoonya ku musela oyo mubotu bwa bukubusyi, aboobo mpaawo mpo tubede.

<sup>162</sup> Elyo cizibyo cimbi Nce yanda kumutondezya lino. Ta—Ta ndi... Ndi limvwa kuti eco taciiinki kabotu maningi. Nde elede buyo ku... Tamu syomi eco. Ee, andi mubuzye. Andi mutondezye cintucimwi. Andi mutondezye kuti baka cicita. Lino amulangilile.

<sup>163</sup> Amulange awo mpo bakabede, aa maapu, cindi Leza naa kalibonya kuli mbabo, kutala okuya kumbali lya Sodoma. Mpoonya buyo kwiinde eco bakatola kutandila lweendo lwa mamaile aali myaanda yotatwe kuselemukila ku Gera. Olo ndweendo lukubwene lwa mudaala a mwanakazi. Ngooyu mudaala lino, a malezu aakwe kalengelela ansi, aa musako wakwe. MBAABA baneene baniini, nywebo mulizi, kabasamide ngowani niini, kweenda asyoonto musule lyakwe, kabamba ntaamo ziniini zyone na zya mainci osanwe mbuli mbwa inka.

<sup>164</sup> Elyo mpawo, penzi lya ncico lyakali, cindi niba kaselemukila ku Gera, kwakali Abimeleki, mwaami wakali kuvwima muyandwi. Elyo boonse abo banakazi babotu mba kajisi kunselelo okuya, basimbi bana Filisiti; cindi na kabona Sarah, wa kamu yanda, kali kuyanda kuti abe mukaintu wakwe. Sa mbo mbubo? [Mbunga yaamba, “Ameni.”—Mul.] Ha-ha! Oh!

<sup>165</sup> Oh, mukwesu, Bbaibble lili mbuli lugwalo lwa luyando. Mweenede kubala akati ka mizila, kubona eco Nco lwaamba. Leza wakati, “Wa ka Li sisa kuzwa ku meso a basongo a basimaanu, a ku Li yubununa ku bana mbuli banga baiya.”

<sup>166</sup> Cindi Nda nooli mu ncito ya missioni, mukaintu wangu ulandi lembele lugwalo. Elyo Nda tuyanda, nkabela ula ndiyanda. Elyo wati, “Oyandwa Bill, sunumasiku Nda zwaa kubamba bana kuti Boone. Nda beleka sunu.” Nda bona eco nca bala, eco nca lemba. Pele, mwabona, Nda tuyanda loko, Nda konzya kubala mpoonya akati ka mizila. Ndi lizi eco ncaambaula. Ta elede kundaambil. Ndi lizi, nkaambo Nda konzya kubala akati ka mizila.

<sup>167</sup> Eyo nje nzila mboibede kuli Leza, cindi kutali cakusola kubalaa kuzwa ku bulanganye bumwi mutende, bulanganye bumwi bwa lwiyo lwabukombi, pele buwide kuba mu luyando a Nguwe. Kokkala aku Mu bikka ncobeni mu moyo wako, “luyando lwa Leza lwa katila cakupaya mu moyo wabo ku Muuya Uusalala,” mpawo kuunka ku kubala Bbaibble nkabela moyo Li bona kali boola ncobeni akati ka mizila. Mwabona,

yebo ulizi eco Nca amba. Ta kaamba ceeco kabotu mu Ijwi. Jesu wakalumba Taata nkaambo kakuti Wa “kasisa zintu ezyo kuzwa ku meso aa basongo a basimaanu.” Lino, taakwe umbi ukonzya kubala magwalo a mukaintu wangu mbuli boobo, nkaambo Nda tuyanda mu nzila eyo, mwabona, alimwi eyo nje nzila njalembela ndime. Eyo nje nzila Leza njaku lemba. Kuli akati ka mizila, amu Li bale.

<sup>168</sup> Ngooyu mbwabede lino, Sarah, masimpe, kaunka kunselelo okuya. Sa inga mwayeeyela baneene baniini, nywebo mulizi? Elyo boonse babo basimbi babotu kumusanza okuya mu—mu nkamu yaba Filisiti, mu cisi Gera. Elyo ngooyu Abimeleki okuya, walo mwaami mukubusyi uboneka kabotu, eelyo uyanda ku mujanina tuyandwa, aboobo wa kalanga koonse. Balo mbabotu, a zintuzyonse. Pele wa bona baneene kababoola, nywebo mulizi, kabazungaana, akulibilika, kaboola ambali, wa kati, “Ngo nguwe Ngwe kali kulindila. Walo nguwe!” Kati, “Oh!”

<sup>169</sup> Elyo Abrahamu wakati, “Nda ku lomba, Sarah, kondi tondezya luse olu. Uli kabotu kulanga, yebo ulizi.” Kati, “Cindi wasika kunselelo okuya, yebo ukati Ndi—Ndili munyoko, alimwi Njo amba kuti uli mucizi wangu. Nkaambo, ikuti na to citi, bayo ndijaya a ku kutola.”

<sup>170</sup> Mwabona, toka kaonzya kuba a bamakaintu bobilo ku ciindi comwe mpawo, mwabona, aboobo mpawo tu... Ta konzya kuba a balumi bobilo, mubwini, ku ciindi comwe. Bumwi bwa mazuba aya, Ndiyo kambauka ali ceeco. Mpawo, mwaambaula zya *I Lunyungu Lwa Nzoka* kakopa cintucimwi, mulindile mane eci cikazwe. Inzi—inzi, lino? Amuyeeeye.

<sup>171</sup> Mpawo tu jana kuti cindi na kabona oyo kaboola, baneene baniini mbuli boobo, Abimeleki waka tuyanda, a kuunka a kumutola kuba mukaintu wakwe.

Amu ciyeeye eco. Mwabona awo na Mpa kabasandula kujoka? Masimpe, Wa kacita.

<sup>172</sup> Eli Bbaibbele, lugwalo lwa luyando, ncintucimwi Leza nca tulembela. “Wa ka Li sisa kuzwa ku meso aa basongo a basimaanu, alimwi Uyo Li yubununa ku bana mbuli bangabaiya.” Wa kasisa...

<sup>173</sup> Wa kasisa kuboola Kwakwe. Wa kasisa Jesu kuzwa ku ba Farisi, balo basicikolo ba Lugwalo. Ta tujisi cintu mbuli mbabo sunu. Takukwe makani obo mbobakali sicikolo, teeба ka Mu ziba. Wa kali sisidwe. I Bbaibbele lyakati Mbwa kabede.

<sup>174</sup> Elyo, nywebo mulizi, Bbaibbele lya kaamba kuti bapaizi ba buzuba obuno baya kusisilwa mu nzila njiyonya. “Sikainya, basikuli-sumpula, basikuyanda misaalo kwinda basikuyanda ba Leza, basikujaya zizuminano, basikulengeleyza twaambo twabubeji, batalyeendelei, a basampaula abo bali luleme. Kuba ii...”

Yebo wati, "Abo mbana kkomunizimu." Peepe, peepe.

<sup>175</sup> "Bala ciwa cabukombi, pele kabakaka Nguzu zya mbubo; kotantamuka kuli bali boobu." Mwabona? Mbo mbubo. "Oyu ngo musyobo wabaabo baunka kuzwa ku ng'anda kuya ku ng'anda, a kusololela banakazi bafubafuba balemedwe zisusi zyandenee," azimwi zimbi. Amubone.

<sup>176</sup> Lino tu jana Abrahamu kumusanza okuya. Elyo Abimeleki wasika okuya, kati, "Ngo nguwe Ngwe kali kulindila, ciindi coonse." Aboobo wa kacitya basimbi bakwe kusika kuli nguwe aku mugusya okuya, alimwi, oh, ndiza ku mubamba kabotu koonse, a kumucitya kuboneka mbuli namalelo umwi. Elyo busiku obo...

<sup>177</sup> Ndi yanda kuti mubone awa luzyalo lwa Leza ku musinsimi Wakwe. Eci inga catinga aniini buyo, pele Mbwini. Takukwe makani mbo Ci libonya, langa kuli ceeco Bbaibbele ncolya kaamba.

<sup>178</sup> Lino inga Nda bona Abimeleki, ula yeeya, "Juunza Ndiyo kwata musimbi oyu mubotu mu Hebrayo. Elyo uli mu trumpetu okuya lino, alimwi babalesi bangu basimbi bamubikka pemfyuumu akubamba masusu akwe kubota, a kubamba zyonse." Lino sa inga mwayeyela mucembele wa myaka ya makumi ali fuka yakukomena kuya bubambwa mbuli boobo, ku kватва ku mwaami mukubusyi? Aboobo tu jana kuti, mbuli mbo bakajana musimbi oyu mubotu mu Hebrayo wakabambwa koonse, elyo wa samba a—a kulala, a koolola matende akwe, kumane kwaamba mipailo yakwe, a kulala, kati, "Oh, ma!"

<sup>179</sup> Lino sa inga mwayeyela Abrahamu kacita mancenjela mbuli ayo, muntu unga waamba cintu mbuli ceeco kujatikizya mukaintu wakwe? Amwaambaule zya bukandu! Abrahamu waka cicita eco. Elyo ngooyo uli kkede alya lino, kumane kucita cintu mbuli ceeco. Amubone.

<sup>180</sup> Elyo Abimeleki, busiku obo Mwami wakabonekela kuli nguwe, mu ciloto, a kuti, "Uli buyo mbuli muntu uufwide." Kati, "Wa bweza mukaintu wa mwaalumi umbi."

<sup>181</sup> Wa kati, "Mwami, ulizyi kululama kwa moyo wangu." Kati, "Nda—Nda... Waa kandaambilka kuti wakali munyina wakwe—wakwe, elyo wa kandaambilka kuti wakali mucizi wakwe."

<sup>182</sup> Wa kati, "Ndi lizi kululama kwa moyo wako, nke kaambo Nda kukasyaa ku Ndi bisizya. Mwabona? Pele kuti, mulumi wakwe, musinsimi Wangu." Amulange luzyalo Lwakwe ku musinsimi Wakwe, nekubakuti wakali mu bulubizi. Mwabona? Kati, "Walo musinsimi Wangu. Nse kaswiilila mipailo yako. Koya mujosye mukaintu wakwe, a kumu lekela ku kukombela. Ikuti na tociti, cisi cako coonse canyonyooka," luzyalilo loonse lwaka jalwa. Amu ciyeeye eco. Nce ncico ncobeni Nca kaamba. Elyo Abimeleki wakali muntu mubotu, wakali kuyoowa Leza. Iiyi, munene.

<sup>183</sup> Pele mwabona na eco luzyalo lwa Leza nco lucita? Mpaawo kwakakkede musinsimi Wakwe okuya, oyo wakapa mukaintu wakwe ku kватwa ku mwaalumi umbi, nekuba mu kuyandaula cisyomezyo ca mwana, a zintu mbuli ezyo, alimwi luzyalo lwa Leza lukkala a Ijwi eelyo kakutakwe kulanganya mbo cibede. Mbo mbubo.

<sup>184</sup> "Mulumi wakwe musinsimi Wangu. Elyo Nse koswiilila mupailo wako. Takukwe makani obo mboli mululami, a mboli mubotu, a boobo mboli musongo; cita wa kukombela, uli muntu uufwide." Aboobo wa kabweza a kuboozya Sarah. Oh, ma!

<sup>185</sup> Mpawo Izaka wakasika aa cilao. Lino mu kujala, cakufwambaana lino Ndi yanda kuti mumvvise cintucimwi. Izaka wakasika aa cilao elyo mpawo cisyomezyo caka zulizigwa.

<sup>186</sup> Lino Izaka naka mana kusika, mulombe muniini waka jisi myaka itandila ku kkumi aibili yakukomena, abumwi bumbi, Leza waka bamba kusunkwa kuli Abrahamu kobile. Kwalo Na kamana kumu sunka kale, kwa myaka ili makumi obilo ayosanwe lino, mpawo Wa kabamba kusunkwa kobile. Lino Wa kati, "Abrahamu, Ndi yanda kuti ubweze mwana oyu lino, mwana wako alike, aku mutola atala lya mulundu nkabela Njo kutondezya awa mu cilengaano eci, elyo Ndi yanda kuti umutole kutala okuya a kumu tuula mbuli cituuzyo."

<sup>187</sup> Elyo Wa kati ta—ta kaka buya kucicita. Wa buka buyo, cifumo citobela Mwami nakaamba kuli nguwe, bakatanta tumbongolo tuniini akubweza nkuni a zintu, akuzibikka antoomwe, elyo kutalika kweenda kubelesya tumbongolo. Wa keenda mazuba otatwe, elyo mpawo wa kasika ku busena, wa kalanga kulaale mu musinzo, kumane kweenda mazuba otatwe. Lino mpaawa Abrahamu mpakabede, a lweendo lwa mazuba otatwe. Elyo cindi bantu mpawo noba taku jisi mungwimba wa kweenzya mbuli mbo tujisi sunu, alimwi kufumbwa muntu buyo inga weenda mamaile ali makumi obilo aosanwe abuzuba. Mwabona? Nkokuli nkwa kasika, kaindi mu nkanda eyo?

<sup>188</sup> Elyo wa kati, "Lino amulindile awa." Nda ciyanda eci ca Abrahamu. Wa kati ku balanda, kati, "Nywebo amulindile awa a tumbongolo, elyo Mebo a mwana wangu tula unka kulaale kuyo komba, elyo tuyu bweeda."

<sup>189</sup> Mbobuti mbwa yocicita, kakuli wa kainka kutala kuyo mujaya? Leza waka mwaambila, kuti, "Koya kutala okuya akanyonyoone buumi bwakwe."

<sup>190</sup> Pele ino Bbaibbele lya kaamba nzi, mu Baroma 4? "Abrahamu wakalizi kuti waka mutambula mbuli umwi kuzwa ku bafu, alimwi wakali lamidwe caku maninina kuti Leza wakali kukonzya kumubusyza kuzwa ku bafu, kuzwa kooko nkwa kamutambula mbuli cikozyanzo." Mwabona?

Kati, "Amulindile awa."

<sup>191</sup> Mbobuti mbo ciyo cita, Nse konzyi ku kwaambila. Sa inga wayeeya mucizi oyo a muvwanda mu maboko aka, a mutumbu kakkede mu whiluceya, mulombe muniini okuya, okuya awa taata? Ta ndizi nzila Mbwayo cicita. Ta ndizi buyo nzila Mbwayo cicita. Pele Uyo cicita nkaambo Wa kasyomezya kuti Uyo cita, aa mbaakani mpoya ku cisyoma. Ula cicita kuli bamwi. Mwabona?

<sup>192</sup> “Oyu mulombe a Ndime, musankwa a Ndime, tuyu bweeda. Mwabona, amulindile awa, nkabela tula unka kuyo komba.”

<sup>193</sup> Elyo wa kabikka nkuni aali Izaka muniini, cikozyanyo ca Kristo kabwezede ciingano Cakwe. Kasika aatala lya mulundu. Elyo Izaka muniini waka lyangana, elyo wa kat, “Taata?”

Wa kat, “Mpaawa Mpendi, mwana wangu.”

<sup>194</sup> Wa kat, “Baa, nceeci cipaililo, ngooyu mulilo, nzeezi nkuni, pele uli kuli mwanaambelele wa cituuzyo?”

<sup>195</sup> Amuswiilile ku majwi aya lino kazwa ku milomo ya Abrahamu. “Mwana wangu, Leza uyo libambilila Mwini mwanaambelele wa cituuzyo.” Eco caamba kuti, “Cituuzyo cibambidwe aa Leza,” *Jehova-Jire*. I mwanaambelele wakabambwa aa Mwami.

<sup>196</sup> Elyo cindi na kaanga maanza akwe a ku mulazika atala lya i—aa cipaililo, amuyeyeye kuti cakali ciindi nzi lino. Kumane kumu lindila kwa myaka ili makumi obilo ayosanwe, nkabela Leza waka mucitya, ku munyonyoona kali cintu cilikke nca kajisi cakulgulula mu myaka yoonse. Wa kali sampa akati ka bantu, kaba museka. Elyo mpaawa Leza waamba, “Konyonyoona cintu nciconya eco ciyo kukupa bulangizi bulikke mbo konzya, kuti Ijwi Lyangu liyo zulizigwa muli nduwe. Nda kakupa mulombe. Wa kali myaka ili kkumi aibili yakukomena. Boonse baka mu ziba, bakacili ku kubamba kuba wisi wa masi, pele koya ukajaye mulombe wako.” Sa inga mwayeeyela ceeco?

<sup>197</sup> Leza tutondezya buyo. Takukwe makani eco umwi muntu ncaamba, na kufumbwa cintu ciimpene ku Ijwi eelyo, kokaka ku cilanga. Lunyungu lwini lwa Abrahamu lula cisyoma Eco.

“Konyonyoona mwana oyo.”

<sup>198</sup> Elyo Abrahamu waka mulazika awo. Inga mwezeezya, katola masusu akwe maniini avungene akwaabuwila kusule kuzwa ku busyu bwakwe. Elyo meso akwe maniini asalaluka kaa lungumene mbuli *boobo*, a milomo yakwe miniini kaibimba. Kabona eyo ntibba ndamfu kaizwa kuli lya wisi... Kuyeeya wisi. Kalazika mutwe wakwe muniini kusule, akukwela kameneno kakwe kusule kutegwa kamuyasa ku maneneno kubelesya eyi ntibba. Oh, mu kuswiilila kuli Leza! Takukwe makani obo mbo cakali kuboneka, wa kat, “Nda kamutambula mbuli umwi kuzwa ku bafu. Leza ulakonzya ku mibusya.” Ka nyamuka cifulo a kutilika.

<sup>199</sup> Elyo Muuya Uusalala wakajata janza lyakwe, kati, “Abrahamu, Abrahamu!”

Wa kati, “Mpaawa Mpendi.”

<sup>200</sup> Wa kati, “Kolesya janza lyako.” Kati, “Ndi lizi kuti ula Ndi yanda aku Ndi syoma lino, mukubona kuti inga akwalo to... Inga wa Ndi pa mwana wako alikke.”

<sup>201</sup> Elyo kutandila buyo ciindi eco, ba kali mugutu wa mbelele kapatide ku meja akwe, mu nkanda, kunze lyakwe.

<sup>202</sup> Ndi yanda ku kubuzya cintucimwi, mukwesu, mucizi. Nkokuli oyo mugutu wa mbelele nkwa kazwida? Amulange, muli muciindi cakaindi okuya, lweendo lwa mazuba otatwe kuzwa ku lusumpuko, mu nkanda, oko kuli balavu, babwa bamusokwe, a misyobo yoonse ya babwa a banyama, a zintu kaindi kuya zyakali kujaya mugutu oyo wa mbelele ndyoonya eno. Elyo, amulange, uli kulaale atala lya mulundu oko kutakwe maanzi. Elyo wa kabweza myaala koonse okuya, kupanga cipaililo eci, nkabela mugutu wa mbelele takaliko okuya. Pele cindi Leza naka yandikana omwe, ngooyo we. Elyo tii cakali cilengaano. Wa kamuyasa a bulowa bwakazwa kuli nguwe. Wa kafwa. Leza waka mulenga mu kaindi aka, nkabela Abrahamu waka muzimaazya mu kaindi katobela. Mwabona? *Jehova-Jire*, “I Mwami uyo libambilila Mwini mwanaambelele.”

<sup>203</sup> I ciyumu ku mugutu wa mbelele kuba kokuya. Ikuti muntu umwi ulizi kujatikizya mbelele mu syaka, mu nkanda mbuli eyo, omuya mwalo mwakali banyama boonse bamusokwe a zintu zibbi zinyonyoona kaindi okuya nizya kajaya oyo mugutu wambelele mpoony awo. Na taka konzya kuba akaindi okuya. Elyo awa, atala lya mulundu oko kutakwe maanzi, kunyina bwizu na cintu mujulu omuya, elyo ta kaliko kwa maminiti masyoonto kakutanaba ceeco. Elyo ku kaindi ako nkakonya Leza nakali kuyandikani oyo mugutu wambelele, eelyo ngooyo wakaba; Wa kamulenga.

<sup>204</sup> Mboli buyo Mbwa kalibonya kuli nguwe kunseleno okuya. Elohimu, Wa kali kuyandikana mubili, Wa kali kuyandikana mubili wa kuselemukila ku nyika, aboobo Wa kabunganya buyo mumuni wa kkozimiki a petroliamu, a zimwi zimbi, a kunjila muli nguwo. Mwabona, Ngu Leza.

<sup>205</sup> Eyo nje nzila Njayo kucita, wakumana buyo kuba itwe muli conco mu bulongo. Uciyo kanana, elyo uyoobako. Uyo ita zina lyako, nkabela uyo ingula. I Lunyungu lwa Abrahamu, ino ii... eco cisymezyo cakazulizigwa.

<sup>206</sup> Amubone, wa kali mugutu wa mbelele. Lino ikuti na mujisi kaindi kambi kaniini, Ndi yanda kupandulula ceeci. Nywebo mulizi, busiku bumwi Nda ka cisiya cilikke. Nseni akwalo ku cipandulula ku mbungano yangu. Amuyeeye cindi Na kasimpikizya cituuzyo eco, kasimpikizya cipangano eco kuli nguwe; kubweza mpongo, kabweza impwizi (kakali kana), a

kwiipandula mu bubili, a kubweza mugutu wa mbelele. Lino, amuyeeye, cindi Lunyungu lwabwami ilwa lusyomo Lwakwe, amuyeeye, takali i mukaintu, wa kali Nguwe. Wa kali Nguwe, cisyomezyo caka zulizigwa. Amubone, mugutu wa mbelele, mweenze; Mweenze, ku swaana Ijwi. Walo ndi Ijwi, oyo Mugutu wa mbelele, kutali mpwizi. Zya ka tuula lutaanzi, amuyeeye, Matalikilo 15, iyalo mpwizi; zyakali zitaanzi kunselelo; mpawo wa kabweza mugutu wa mbelele. Mugutu wa mbelele wakali wa mamanino. Mweenze, Mugutu wa mbelele, Ijwi lyakabambwa; kutali mpongo mpwizi, i kabunga, mbungano. Mwabona? Kutali mpwizi, mbungano; pele Mweenze, Mugutu wa mbelele. Ameni. Ako nkekaambo Nca kazyalilwa mu Mukubwekaangala.

<sup>207</sup> Kutali muli Nalupale mbuli mbungano ya Roma mbo ikubikka, buzuba bwakuzyalwa bwa kaleza-kazuba, a kububikka antomwe a Bwakwe, kutala okuya mu twenti faivi ya Nalupale, cindi ca nkamu zyaba sikulisangabalisyia nicakali kucitika, ikuti na mwa kabweza i—i...kaiya makani akale aa mbungano. Elyo mula mvwisya kuti baka bikka ceeeo kutala okuya, ku kubamba...Bwakali buzuba bwakuzyalwa bwa kaleza ka zuba, kazuba, cindi lyatandila kwiimikila nji. Kwiina kucinca muli ndilyo kwa mazuba osanwe, kuzwa kuli Nalupale mu tweenti kusika mu twenti faivi. Ba kabikka Mwana wa Leza a buzuba bwakuzyalwa kwa kaleza kazuba mbubonya, kulimvwanya Bunakristo a bupagani, ka bubamba kuba Nalupale. Ta kakonzya kuzyalwa muli Nalupale mu twenti faivi, baa, malundu aangide caanda cinji kutala okuya mu Judaya.

<sup>208</sup> Wa kazyalwa mbuli tubelele toonse mbo tuzyalwa. Wa kazyalwa mu ciindi ca butololo. Elyo Wa keelede kuzyalwa kunsi lya mugutu wa mbelele, nkaambo Wa kali mu Mugutu wa mbelele, nkabela mugutu wa mbelele wakali mu Mukubwekaangala. Mbombubo. Wa kazyalwa kunsi lya mugutu oyo wa mbelele. Obo Mbwa kabede. Wa kali Mugutu wambelele ya Leza. Oyo wakali Nguwe kutala okuya waka bweza busena bwa Izaka. Ameni. Sena mwa cibona?

<sup>209</sup> Nceeco we, tondezya awa antangalala, i Nabwiinga wa Lunyungu iwabwami ta kaitwi kuba mpwizi, mbungano, cituuzyo ca mpongo icakabungwe. Peepe. Pele kwiinda kuli Nguwe, Ijwi lyakayubululwa lya Mugutu wa mbelele, nkambo Walo ndi Ijwi a Mugutu wa mbelele, mpawo. Kutali kwiitwa kuti, Wa kati, kutali kwiitwa ku zina *yakwe*, pele, "Kwiitwa ku Zina *Lyakwe*. Wa kali kuno gwisya bantu kuzwa kuli Bamasi," kutali ku zina yakwe, pele, "nkambo ka Zina Lyakwe," uya kuyumuna Zina Lyakwe. Oh, ma! Ino mu yoowa nzi, mpawo? Ii Munamasi wakali kuyo yumuna Zina Lyakwe, Mugutu wa mbelele; kutali zina yakwe, mbungano. Kutali nguwe; pele Walo! Aleluya!

<sup>210</sup> I Lunyungu lwabwami luyo Lii bona. Sa tamu konzyi kubona Malaki 4 kaboola kucitika? "Kuboozezya ku Lusyomo

lutaanzi, Ijwi lya Leza!” Nconzyo nobantu inga mwacibona eco. Ta tuko yandika kucibamba antangalala kapati. Amulekele kabungwe ako kaunke. Muntu, amujokele ku Ijwi eelyo. Elyo Jwi lya buzuba bwamamanino, alimwi citondezyo ca buzuba bwamamanino, nkuzumbaanya bantu kujoka ku Lusyomo lutaanzi, Malaki 4 wakaamba booboo, kujokela ku Ijwi.

<sup>211</sup> Elyo Wa kali Ijwi, kutali mukazi; Nguwe, ameni, Zina lya Mwami Jesu; i Ijwi lyaka simpikizigwa lino kwiinda ku cisyomezyo, Ijwi eelyo lyakasyomezya.

<sup>212</sup> Musalali Johane 14:12, “Milimo eyo Nje cita, moyo icita anywebo.” Malaki 4, cintu nciconya nco cakaamba okuya. Ayalo, Luka 17 ila twaambila, kuti, mu mazuba aakumamanino kutondezegwa kwa inyika kuyo bikkwa mbubonya mu ncililano, “mbuli mbo kwakabede mu mazuba akwa Sodoma,” nkabela Leza uyo seluka, katondezegwa mu mubili wabantu, a kuyoziba maseseke aa myoyo. Hmm, hmm. Jesu wa cakaamba cintu eco, nkabela ciyo citika, “mu mazuba cindi Mwana wa muntu ano yubununwa,” ku mamanino aa nyika.

Mwabona, taili mbungano, “Sangana *eyi*, sangana *eyo*.”

<sup>213</sup> Nku, boola kuli Nguwe! Eco ncencico lunyungu lwa Abrahamu nco lujisi okuya, cituuzyo cakatuulwa, mucibaka ca lunyungu lwakwe lwini. Ino kujatikizya Lunyungu lwakwe lwa kumuuya, ameni, Lunyungu Lwakwe lwabwami, Lunyungu lwa Namalelo? Ameni. Oh, ikuti mwakonzya kucibona! Amuyeeye, ino ncinzi? Walo mubili a Muuya kazikamantana, kuboola kuba comwe.

<sup>214</sup> Amulange muli Matayo, cipati 3. Ngooyu wakali Mwana wa Leza, wakazyalwa kunyama kuli nakalindu, kaseluka kuzwa mu i—mu munzi, wakayutuka kuli Johane Mubapatizi.

<sup>215</sup> Elyo ngooyo mbwakabede, kaimvwi mu meenda. I Bbaibbele lyakati, “I Ijwi lya Mwami lyoonse liboola ku musinsimi.” Sa mbo mbubo? Elyo Johane wakali musinsimi. Tiiba kajisi musinsimi mu myaanda ya myaka.

<sup>216</sup> Pele ngooyu wakaliko, musinsimi kaimvwi alya, alimwi wa kali kusinsima kuti Jesu uyo boola. Wa kali mu nkanda, a kwaamba kuti wa kabona citondezyo. Leza waka mwaambila kuti citondezyo ciyo tobela oyo Mesiya, cindi Aku boola. Wa kati, “Uli imvwi akati kanu amwi lino. Ngooyu Umwi akati kanu, Oyo ujsi mabbusu Nge teelede kwaangununa. Uyo tondezegwa bumwi bwa mazuba aya. Elyo cindi Aku cita, mpawo Njo cesegwa, Uyo sumpuka.”

<sup>217</sup> Wa kacitika kulanga, a kabona citondezyo eco; wa kati, “Ngooyu Wa sika lino. Amubone Mwanaambelele wa Leza ugwisya cibi ca inyika.”

<sup>218</sup> I mukambausi mudaala muna Baptisti, Mwiiyi Davis, oyo waka ndibbizya mu luswaanano lwa mbungano ya Baptisti,

wakabandika eco a ndime ciindi cimwi. Wa kati, “Yebo ulizi eco cacitika awo, Billy?”

Elyo Nda kati, “Peepe, Nse citi, Mwiiyi.”

<sup>219</sup> Wa kati, “Nceeci cakacitika. Johane takalina bapatizigwa.” Kat, “Johane waka bapatizya Jesu, elyo mpawo Jesu wakanyona a kubbizya Johane.”

Nda kati, “Ta—Ta ndizi kujatikizya ceeco.”

<sup>220</sup> Aboobo Nda kazumanana kucikombela. Busiku bumwi mu cilengaano, nceeci mbo cakabede. Mwabona? Ta ka, Ta ka, Jesu taka bapatizya Johane. Ee, inzi?

<sup>221</sup> Wa kati, “Ndi yandikana ku bapatizigwa kuli Nduwe, elyo nkaambonzi Nco boola kuli ndime?”

Jesu wakati, “Cileke eco cibe booboo.”

<sup>222</sup> Amulangilile meso obilo, bantu bobilo bapati aa nyika; *ngooyo* wakali Leza, *ngooyu* wakali musinsimi Wakwe, nkabela Ijwi lya kaboola ku musinsimi. Ikuti na Ijwi lili mu mubili wabuntu, Liyo unka ku musinsimi. Takukwe makani awo Mpo libede, Liyo unka ku musinsimi. Li leelede. I Bbaibbele lya kaamba booboo. Peepe... Elyo mpaawo kwaboola... Wa kali Ijwi. “Ku matalikilo kwakali Ijwi. Elyo Ijwi lyakaba mu mubili wabuntu a kukkala akati kesu.” Elyo mpaawa kwaboola Ijwi ku musinsimi, moonya mu maanzi, ku kuzulizya a kusimpikizya cisinsime cakwe. Ameni. Ngooyu Uli imvwi alya, elyo mpaawa meso obilo aka swaangana limwi alimbi; lyomwe lya musinsimi, alimwi limbi Ijwi.

<sup>223</sup> Elyo walo, Johane, mubombe kumbele Lyakwe, wa kati, “Ndi yandikana kubbizigwa kuli Nduwe, elyo nkaambonzi Wa boola kuli ndime?”

<sup>224</sup> Wa kati, “Cileke eco kuba booboo, nkambo obu kuleelela kuli ndiswe,” kuleelede kuli ndiswe, mwabona, “kweelela kuzulizya bululami boonse.”

<sup>225</sup> Johane, mukuba musinsimi a kuziba Ijwi eelyo, nkaambo Ijwi lya kaboola kuli nguwe, wa kalizi kuti eco cakali Cituuzyo. Elyo kweendelana ku Mulao, Cituuzyo cakeelede kusanzigwa kacitana kutuulwa. Cili mbubonya. Wa kabapatizya Jesu nkaambo Wa kali Cituuzyo ciboola. Katana konzya kuunka ku buumi Bwakwe bwabuleya, Wa keelede kubapatizigwa, nkaambo Cituuzyo ceelede kusanzigwa kacitana kutuulwa. Ameni. Elyo waka Mu bapatizya.

<sup>226</sup> Elyo cindi na kacita, Wa kazwa mu maanzi mpoonya awo. Elyo wa kalungumana a kubona Muuya wa Leza, mbuli nziba, a Jwi kalizwa kuli Ndilyo, kati, “Oyu ngo Mwana Wangu uuyandwa muli Nguwe mwe Nko ndelwa kukkalamo.” Leza a muntu baba bomwe.

<sup>227</sup> Adamu a Eva bakali bomwe, ku matalikilo. Elyo cindi Na kabandaanya, waa kawa, nkaambo ka Ijwi. Waa kaimpya Ijwi. Waa kawa.

<sup>228</sup> M bubonya bukkalo abumwi bwa mbungano, bwawa mbuli boobo, ku kaambo ka kutapandulula kabotu Ijwi. Ku lekela sikupandulula, oyo Saatani waka Li pandulula kuli Eva, "Oh, masimpe *Eco* inga tii calulama. Masimpe *Eci*, masimpe *eyi* yoonse taikonzyi kuba. *Eyi* taikonzyi. Oh, iiyi, Ndi lizi, ncobeni..."

<sup>229</sup> Pele ikuti na Leza wakaamba booboo, eco cila Li bamba booboo. Takukwe "ncobeni" kuli Ndilyo. We elede kuzyalululwa. We elede kutambula Muuya Uusalala. Nanka eco na kuloba! Amubone.

<sup>230</sup> Elyo ngooyu Wa—ngoooyu Wa kanjila, Jesu a Leza bakaba bomwe. Ba ka kamantana.

<sup>231</sup> Mbuli mu Edeni, oko Adamu a Eva nko bakali ku matalikilo, muuya omwe. Mazina abo akaitwa kuti Adamu. Mwabona? Wa kali koonse Adamu a Eva, antoomwe. Elyo cindi nakaandanisigwa, kuya ku kusunkwa, ncinzi cakacitika? Eva wakawa, ku Ijwi. Eelyo lyakali Ijwi. Adamu waka mutobela, kuti amu nunune, pele ta kakonzya kucicita. Ta kali kweelela kumu nununa.

<sup>232</sup> Mpawo ambali kwakasika Adamu Wabili, ku kunununa Mbungano, eyo yakali mu cimvule a cikozyanyo.

<sup>233</sup> Lino, mbuli masimpe Adamu a Eva mbo bakacita kuba muuya omwe, Kristo a Mbungano beeleder kuba Muuya omwe, mulimo nguwenya. "I zintu Nze cita, muyo zicita anywebo." Nywebo mwabona Nce pandulula na? Ba kacita kukamantana antoomwe. Bantu balya maila, a Leza, bakacita Kuboola antoomwe a kuba Muuya omwe. Elyo Jesu Kristo a Mbungano Yakwe Muuya omwe. Mbobuti mbungano mboi konzya kukaka bulenge, mbobuti mbungano mboi konzya kukaka cintu eco Kristo nca kabaambila kucita, mbobuti mbo tu konzya ku Li kaka elyo mpawo kwaamba kuti tuli ba Kristo? "Ikuti na mwa kkalilila muli Ndime, a Majwi Angu ala kkalilila muli ndinywe, amulombe eco neco muyanda alimwi ciyo pegwa kuli ndinywe. Ndili Musaansa, nywebo muli mitabi, alimwi Buumi buli mu musaansa bula njila mu mutabi kukuzyala mucelo." Basikuzyala micel!

<sup>234</sup> "Elyo mutabi aumwi uta zyali micelo mibotu, ula gonkwa." Eyo nje nzila tubunga mbo twa kacita, ku utsyola, kunyonganya Ijwi, a kutilika kweenda mbuli obo. Elyo imwi italika nzila *eyi*, a imwi nzila *eyo*, alimwi, cintu citaanzi mulizi, nkamu niini ya ba Ricky yaka njila nkabela bala jana muzeezo wabo muli ncico, alimwi, cintu citaanzi mulizi, mpawo yaba buyo nkamu mpati ya Babuloni. Walo wikkwela buyo.

<sup>235</sup> Taakwe kabunga kakasola kubuka, pele ako kakawa. Elyo muntu aumwi wakawa, taakwe naka jokela alubo. Nda zundikizya eco ku muntu uuli oonse. Iiyi, munene. Mulaazi makani aakale. Kwakanyina nokaba omwe. Leza, mboba kaba biyo kabunga, Wa kaleka kuba belesya, alimwi oko nku kamanizya. Uyo bweza muntu kuzwa kubusena bumwi bumbi, ku kalulamika ncobeni. Cilimasimpe.

<sup>236</sup> Amubone muli ceeci lino, beelede kuba bomwe. Jesu wakati, mpawo, "I Buumi buli muli Nguwe buyooba mu Mbungano Yakwe." Elyo ncececi cigaminina Nca kasyomezya mu mazuba aakumamanino, kuti Buumi bwakali muli Kristo, obo bwakali muli... uyo yubununwa mu mazuba ayo nyika yanooli mu ciimo ca Sodoma mbubonya buyo mbo cibede eno. Sa tokonzyi kubona, mukwesu, mucizi?

<sup>237</sup> Ino cigwasyanzi kusangana mbungano ikuti na tojisi Kristo mu buumi bwako, alimwi Kristo kalizibya Mwini mu buumi bwako? Mwabona, nce ncico. "Ezi zitondezyo ziyo batobelabo basyoma." Wa kaamba ceeco. Mbobuti mbo konzya ku caamba, ikuti na tacili obo, m bobuti mbo konzya kutaminina kuba wa Kristo?

<sup>238</sup> Yebo wati, "Mukwesu Branham, m bobuti mbo yeeya kuti uyo sola kubamba eco kujata ku bantu, mu buzuba obu bwabupampu cindi zintuzyonse nezili zya kabungwe?"

<sup>239</sup> Nda kabuzya mwanakazi, kutali ciindi cilamfu cainda, "Sa uli Munakristo?" Mu cibbadela. Waa kati, "Nda kupa kumvwisya kuti Ndila umpa nkendulo busiku abumwi." Mbuli eco sa caka jisi cintu cili coonse cakucita a Bunakristo? Nda kajisi...

<sup>240</sup> Nda kaunka kuyo kombela mwanakazi umbi, elyo Nda... mulindu umbi wakali lede alya, kaciswa, walo a mwana wakwe. Elyo Nda kati... Nda kanjila. Nda kati, "Mulindu, sa uyo... Inzya," Nda kati, "Ndi lizi kuti nduwensi. Nduwe Muka. Oliver."

<sup>241</sup> Waa kati, "Iiyi, Mukwesu Branham." Waa kati, "Nda ciswa loko, Mukwesu Branham. I dokotela takonzyi kujana cilubide kuli ndime. Sa inga wapa mupailo? Ako nkekaambo Nce kwiitila."

<sup>242</sup> Nda kati, "Nincobeni, Mucizi Oliver." Nda kati, "Sa inga wayanda kukotamika mutwe wako?"

<sup>243</sup> Kati, "Lindila aniini buyo! Kwela kketani eyo!"

<sup>244</sup> Elyo Nda kati, "Ee, ncibotu." Nda kati, "Ndila komba buyo. Sena uli Munakristo?"

Waa kati, "Tuli ba Methodisti."

<sup>245</sup> "Ee," Nda kati, "eco tii cakali ceeco Nce kubuzya. Nda kubuzya ikuti na wali Munakristo."

Waa kati, "Kwela kketani eyo!"

<sup>246</sup> Mwabona, oko kumvwisia kuniini. Mbobuti muntu mbwa konzya kuba? Oko nkusiya a mudima, kwiimpana kwa tukabungwe lwaka bagonka kuzwa ku zilongezyo zya Leza. Oko kuliko mu tubungwe toonse. Mbo mbubo. Mukwesu, uta inki kuli njiyo; ko Mu sala. Muta bwezi zina *lyakwe*; mubweze Lyakwe, mwabona, mubweze Zina Lyakwe.

<sup>247</sup> Yebo wati, "Mukwesu Branham, mbobuti mboya kucibamba kukkalilila sunu? Mbobuti mboya kucicita?"

<sup>248</sup> Wa kapanga cisyomezyo eco Nca kali kuyo cita, kati, "Uta yoowi, okatanga kaniini, nduyando lubotu lwa Taata wanu kukupa Bwami."

"Mbobuti Mbwayo cicita?"

<sup>249</sup> Walo ucili Jehova Jire. Walo ucili Jehova-Jire. Leza ulakonzya kulibambilila Mbungano Mwini. "Ula konzya ku mabwe aya kubusya bana kuli Abrahamu." Walo, masimpe, Ngu Jehova-Jire.

Yebo wati, "Sa ciyo beleka?" Cilacita masimpe. Leza waka cisyomezya.

"Sena ueyeaya kuti uyo sola kucibamba . . . ?"

<sup>250</sup> Nse konzyi, pele Uyo cita. Nse jisi mulimo waku Li bamba kucicita. Ndi jisi buyo mulimo waku Li kambauka. Walo mulimo Wakwe waku Li simpikizya. Ngo Nguwe. Ikuti na Nda ima ku Bwini, Uyo ima kuli Ndilyo. Wa kacitondezya, nkabela Uyo cicita.

Yebo wati, "Kula siya mbi."

<sup>251</sup> Iiyi, Ndi lizi kuti kula siya mbi. Elyo bapaizi boonse kaba njila mu kabunga aka kapati ncobeni, ku cijailo.

"Aboobo ino uyo citanzi kujatikizya ceeco?"

<sup>252</sup> Kundi yeezya buyo kaano kaniini. Inga ndaamba aka kakutanaba buyo kujala. Kumusanza mu Carlsbad, New Mexico, okuno, bajisi impangala okuya, nywebo mulizi. Ba—ba katalika kuselemuka kutandila maile, kuselemukila muli ceeco. Nse kali kuyanda zintu ezyo. Lyoonse zili mbuli babelsi batwela mu nyika. Elyo caka selemukila omuya, alimwi, oh, cila siya akatikamasiku kumusanza okuya. Elyo ngooyo musimbi oyu muniini wiimvwi, oh, antela, mbuli cintu eco ciniini *awo*. Elyo munyina wakwe muniini wa kaliimvwi *awo*, ku lubazu lumwi, a mweenzyi oyo wakali ku batola aansi. Aboobo baka liimvwi ansi mu busena obu bwamudima, elyo mpaawo kwakali mumuni mpawo, waka yasya malaiti oonse. Elyo oyu muntu, nkambo buyo . . .

<sup>253</sup> I mweenzyi waka sobelela kuya ku mumuni. Elyo mulombe oyu muniini wakali kweenda antoomwe a nguwe, kalangilila mweenzyi. Aboobo mweenzyi wakasika okuya, a kubweza eyi swichi mpawo wa kazima swichi. Oh, ma, aambaula makani aa

musinze! I maile kundi lya nyika, nywebo mulizi, kusiya mbi cakuti nota kakonzya kuvukauzya janza lyako, niwa takakonzya kubona cintu.

<sup>254</sup> Elyo musimbi oyo muniini wakali kukwiila kuli boonse bakali mukati a nguwe. Waa kali kusotauka buyo mujulu aansi a kukwiila, kukwiila mbuli canguzu . . .

<sup>255</sup> Elyo kuzwa ku kukwiila koonse, mulombe muniini kaimvwi okuya ku lubazu lumwi, wa kati, “Oh, mucizi muniini! Oh, mucizi muniini!”

Waa kati, “Ino uyanda nzi, mukwesu muniini?”

<sup>256</sup> Kati, “Uta yoowi. Ngooyo muntu awa ukonzya kuyasya malaiti.”

<sup>257</sup> Ngooyo Muntu awa walo ukonzya kuyasya Malaiti. Ngu, Ngu Jehova Jire. Mwabona? Ngooyo Muntu awa, uuli akati kesu sunumasiku, Muuya Uusalala, Ula konzya kuyasya Malaiti. Walo ndi Ijwi, Muntu awa ukonzya kuyasya Malaiti. Ta ndizi nzila Mbwa yocicita. Ta cili cangu kuziba, pele Uli zyi nzila yaku yasya swichi. Wa kapa cisymezyo. Wa kacipa omuya cindi Abrahamu naka jisi cifulo cakwe atala lya kameneno ka mwana wakwe; Wa kayasya Mumuni. Inzya. Ula konzya kuyasya Mumuni alubo sunumasiku.

<sup>258</sup> Atu kotamike mitwe yesu aniini buyo. Leza kogwasya, kuti Uyo yasya swichi elyo niini mu moyo wako.

<sup>259</sup> Beenzuma, mvwiki eyi mwaka bona Muuya Uusalala mulemu akati kesu. Kwiina mubuzyo kuli ceeco. Pele, oh, lekela Mumuni oyo muniini uyasisigwe, sunumasiku. Uta Wi impyi, mukwesu a, mucizi wangu. Ndi yeeya kuti buyo a capita eyi yomwe niini awa ya—ya Abrahamu, ya tondezya, kwiiswaanganya buyo koonse akoonse, kuzwa ku Matalikilo kusika ku Ciybunuzyo, yatondezya oora ndyo tupona mo; Kristo, waakakwa mu cisi cesu alubo; mizuzumo yanyika mu masena aansininsini; Sodoma a Gomora; mbungano mu ciimo cayo, mbubonya kabupanga cinkozya ca munyama. Zintu ezi zyoonse zyaka citika, mbuli Bbaibbele mbo lyakaamba, alimwi nywebo nobantu mulizi eco. Mwabona? Lino kakutakwe luzibo olu lupati kuli Kristo, ikuti na Buumi bwa Kristo bwasiaka muli ndinywe . . .

<sup>260</sup> Lino koli langa buyo mu ciboniboni ca Leza, a kubona buyo ikuti na ulakonzya kulizibya lwako sunumasiku. Ikuti ni wakali kupona mu mazuba akwa—akwa Nowa, mu ciindi ca zambangulwe, ino ndubazu nzi ndokali noo lizibya? Ikuti na wakali kupona mu mazuba akwa Musa, ino ndubazu nzi ndokali noobako? Ikuti ni wakapona mu mazuba akwa Kristo, cindi mambungano oonse naka Mu lwana? Wa kacita kwimma alikke kubusena okuya, a zintu Nzya kacita. Cintu buyo, wakali Leza a Nguwe, eco nce cintu cilikke. Nobaba boonse basikwiiya Bakwe, kutandila, baka Mu siya. Pele ino ndubazu nzi, ciimo cako calino

buya, ino inga nookaba kuli, ino uyooba ku lubazu nzi? Ino ndubazu nzi nkonga waba ndyoonya lino, cindi wa Mu bona alubo mpoonya akati kesu?

<sup>261</sup> Lino Mpali ano, alimwi ula konzya kuyasya Mumuni mu moyo wako, a kuzuza buyo buumi bwako a Muuya Uusalala. Mbangaye omuno lino, a mitwe yanu kiikoteme, a myoyo yanu, ayalo, bayo komba a ndime kwa kaindi buyo kasyoonto?

<sup>262</sup> Lino, Taata Wakujulu, tu lizi kuti To booli antomwe a—a kucita zintu kutondezya buyo kuti Ula konzya kucicita. Ula cicita ku bukanze. Elyo, Mwami, mvwiki eyi, Nda kalimvwa kusololelwa kulindila mane ku miniti eli, eci ciindi nciconya, kuti lutaanzi ba bone kuti Ijwi lya simpikizigwa. Lila indilila ku mubuzyo uli onse lino. Elyo oyu omwe syakacite, Abrahamu, cindi basyakacite boonse mu Bbaibbele baangidwe moonya muli ncico, elyo tula bona awo mpo tukkede ndyoonya lino.

<sup>263</sup> Taata, a ijwi lityokede, pele calo Nce konzya maningi kucita. Nda komba lino kuti Muuya Uusalala mupati uli waano, oyo uuzi maseseke aa moyo oonse, uyo kanana ku moyo oyo ndyoonya lino. Kocita, Mwami. Koamba kuli oyo umwi unga taunka, ikuti na Wali kuboola sunumasiku, ikuti na mulyango weelede kujalwa sunumasiku, ikutina afwa kabali mu mugwagwa kuya ku munzi, na kuumwa mootokala akujaigwa, na kufwa, kujanwa kufwide mu bulo cifumo, banga tiiba futuka. O Leza, kaka uta lekeli naba omwe wabo kuunka nzila eyo.

<sup>264</sup> Ikuti na baka sangana buyo mbungano, Mwami, akube kuti ba tafwi nsoni kuzwa a kulomba Leza kuzuzigwa Muuya Wakwe, kuti Buumi Bwakwe bunjile muli mbabo. Ikuti na tabana konzya kumvwisyia zintu ezi; naanka basikwiiya, pele baka jatilila kusikila Muuya Uusalala waka tilwa, mpawo baka Li mvwisya, a kulemba Bbaibbele. Nda komba, Taata, lino, kuti Uyo kanana ku moyo aumwi a kubalekela kuziba kuti Muntu oyo uukonzya kuyasya Malaiti uli nkoonya ku mulyango wa moyo wabo.

<sup>265</sup> A mitwe yesu kiikoteme lino. Mbangaye omuno bayo syomeka loko, a kwaamba, “Mukwesu Branham, Ndi—Ndi lizi kuti Nse luleme kuli Leza”? Ndi yanda—Ndi yanda kuti utambike maanza ako mujulu. Kobamba buyo mutwe wako kuukoteme, nyoonse, pele tambika janza lyako. “Nse luleme kuli Leza.” Lezaaku longezye. Lezaaku longezye. Iiyi. “Nse,” maanza, “Ndi lizi, Nse luleme kuli Leza.”

<sup>266</sup> Mwabona, eco Nce sola kucita, nkujana luzyalo kuli Leza ku mulimo oyu mupati wa kuponesegwa juunza. Ikuti na Nda konzya buyo kujana luzyalo, Nse—Nse—Nse syomi kuti kuyooba cintu ciyo syaala pele ciyooba, Leza uyo ponya, ikuti na Nda konzya buyo kubamba bantu kusyoma.

<sup>267</sup> Lino, nywebo nomutakwe lubapatizyo lwa Muuya Uusalala, alimwi mulizi kuti aya Mafuta. Ikuti na tamu jisi Mafuta mu lampi, tiiba kanjila.

<sup>268</sup> Elyo sa mwakasola kumvwa ciindi cili booboo, mu mitende, oko ba Presbyteria, bana Lutherani... Amulange magazini ya Bantu Basimakwebo Banakristo. Bana Lutherani, Presbyteria, abalo ba Katolika, ba yandaula kujana lubapatizyo Iwa Muuya Uusalala, mu myaanda. Elyo Nda libuzya ikuti na abo Bantu Basimakwebo iba Makanimabotu Aazwide bala mvwisye kuti tabaka Li jani?

<sup>269</sup> I Bbaibbele lyakati, “Cindi niba kaboola, kati, ‘Mutupe mafuta anu amwi,’ ba kati.” Banakalindu boona, ba kaziba kuti bakali jisi ciindi eco coonse cakujana Mafuta, pele tiiba kacicita. Aboobo cindi Sibwiinga nakali aafwi kuboola, ba kati, “Mutupe Mafuta anu amwi.” Ba kati, “Tu jisi buyo akkwana kuli lwesu. Ka muunka mukaule kuli baabo basambala.” Elyo kuciindi niba kaunka, Sibwiinga wakasika, nkabela Nabwiinga wakanjila. Elyo baka sowelwa mu mudima waanze, ku kusinsimuka a kuziba kuti Kukwempwa kwa kacitika. “Elyo ba kasyala oko kuyooba koomoka a kulila,” kuiindi ca Mapenzi mapati, “a kuluma ntwoo.”

<sup>270</sup> Mukwesu a, mucizi, wangu sunumasiku, mweenzuma, ikuti na tojis Muuya Uusalala, sena uyo... na kulamwa kwini kuziba kuti weelede Kuu tambula, sa inga watambika janza lyako, kwaamba, “Kondi kombela, Mukwesu Branham. Ndila syoma kuti tuli mu Busyu bwa Leza. Kondi kombela. Nse jisi Muuya Uusalala.” Leza amu longezye. Amulange buyo ku maanza, koonse. Sena mula Uyanda, mpawo?

<sup>271</sup> Lino Ndi lizyi, kuli ndinywe noba Methodisti a Baptisti, a bamwi bambi, kuli ziimo zinji zyakwiindilizya zitobel a mulumbe uuli oonse.

<sup>272</sup> Lino kuli ndinywe noba Lutherani. Nda kazwaa kubala makani akale akwa Martin Luther, limwi lya mabbuku akwe lya kalembwa ali nguwe, okuno kutali ciindi cilamfu cainda. Ba kati, “Tii cakali camaseseke loko cakuti Martin Luther wakali kukonzya kukazya mbungano ya Katolika a kuta subulwa kuli njiyo, pele kujatilila mutwe wakwe aatala lya kwiindilizya koonse oko kwakatobela lubukulusyo lwakwe.”

<sup>273</sup> Elyo eco cilainka, kuli nkamu iisangene a lubukulusyo alumwi. Nywebo mulizi eco. Pele lino, amuyeeye, kuti citondezya buyo kuti kuli cimwi cakasimpe. Cindi wabona dollar ya lweeno, na muntuumwi uli mukupanga mbuli kuti bajisi cintucimwi, amuyeeye buyo kuli omwe wakasimpe oyo upangwa. Ikuti na tacili obo, eco ncini citaanzi. Mwabona? Aboobo nywebo mulizi kuti eco tacikonzyi kuba citaanzi cini, aboobo kweelede kuba cini citaanzi.

<sup>274</sup> Elyo eco citaanzi cini ngu Jesu Kristo, Umwi uli waano, oyo uuvi maseseke oonse mu moyo wako ndyoonya lino. Elyo lino Ndiyo mubuzya, ikuti na mwa Mu bona, a kumvwa bumboni obu bwa misyobo yoonse ya zintu kazi ponesegwa, a nzila

myoyo ya bantu mbuya yubununwa kwiinda mu mvwiki eyi, alimwi nywebo...Oyo ngo Nguwe waambaula kuli ndinywe. Oyo Nguwe. Nda lubuza na inga mulandi syoma kukomba, akumu kombela, sa inga camugwasya?

<sup>275</sup> Amuyeyye, Muuya Uusalala waka pegwa ku kubikkwa kwa maanza. Petro, Filipo nakamana kuselemuka ku Samaria a kubbizya bantu boonse kumusanza okuya, mu Zina lya Jesu Kristo, nekubaboo, Petro wakaseluka a kubikka maanza ali mbabo, elyo Muuya Uusalala waka bawida. Mwabona?

<sup>276</sup> Lino ikuti na mula syoma muli ceeco, Nda libuza ikuti na inga mwaboola kutala okuno, umwi aumwi utana futulwa, na bata jisi Muuya Uusalala, bayo boola ano a kwiimikila mpoonya awa anini buyo, kundi lekela kumukombela. Ikuti na mwaboola kuzwa mu tuzila, takukwe makani awo mpo mubede, mwiimikile buyo awa. Mweende buyo kusika atala awa nkabela andi—andi paile andinywe asyoonto buyo. Leza amu longezye.

<sup>277</sup> Lino nyoonse amwiimbe buyo lino. *Kutandila Kasungilizigwa*, ikuti na ula konzya. Mucizi Downing, okuno, ikuti na ula konzya. Yaa.

<sup>278</sup> Sa inga tii mwaboola mpoonya ambali *awa*, bakwesu bangu? Leza aku longezye, mukwesu wangu. Nyoonse amubatame ncobeni lino, kamukomba. Eci inga caba ciindi cipati, inga caamba lwandaano akati ka lufu a Buumi, ku bantu banji, banji.

<sup>279</sup> Sena nyoonse mwali okuno mvwiki eyi? Sena mwabona Muuya Uusalala, eco Nco wacita mvwiki eyi akati ka bantu?

“...-zigwa,” Kristo ku kutambula;  
Oh, Mpali lino, buntu bumwi ku... .

<sup>280</sup> Sa inga toboola, uutakwe Leza, uutakwe Muuya Uusalala? Sena wati, “Ndi zulilwa ku mbungano, Mukwesu Branham”? Nce cintu, kutali eco Nce kanana. Nda amba, sa wakazulwa Muuya wa Leza?

“...kunji...”

<sup>281</sup> Ta mukajani buzuba bweelede loko kwiinda bwa eno, cindi Jesu Kristo nakalizibya aakati kesu.

“...ali Nduwe...”

<sup>282</sup> Ino kuti wafwa cifumo? Elyo mpawo tokonzyi kwiita. Sa inga toboola lino kuciindi Na ita?

“Kutandila kusungilizigwa,...”

Mbo mbubo, kamu zumanana buyo kuselemuka.

...boola, boola sunu;

“Kutandila kusungilizigwa,” muta... .

<sup>283</sup> Sa inga toboola lino? Ndi lizi cintucimwi mu moyo wangu ci ndaambila kuti kuli muntuumwi usyeede. Uta ciciti, mukwesu, uta ciciti!

. . . Baangelo bala imaima munsi,  
 Mipailo yabuka kuzwa ku myoyo bayandwa  
 loko; O sikutuntulika, boola. (Lino  
 ncobeni . . .)

<sup>284</sup> Swiilila, mweenzuma. Ula syoma kuti Muuya Uusalala, kwiinda mu mvwiki eyi, wa tondezya kuti Ula kanana awa na? Atu bone janza lyako. Ku leelede kuba banji oku bambi, na bambi. Nda limvwa Kulimvwa oko. Mwabona, Tali . . . Kuli cintucimwi cilubide kale. Ncibotu waboola.

<sup>285</sup> Amuyeeye, Nse konzyi—Nse konzyi ku kusungilizya kuboola kulwana luyando lwako. Pele Nda syoma eci inga caba ciindi, zyoonse ezyo nzo mwalangila kumbele, inga caba aafwi kucitika ndyoonya eno. Elyo eci inga caba, Nda syoma tacili obo, inga caba ciindi camamanino ncoya kusola kwiitwa. Amuyeeye, Ta kakazyani lyoonse. Uya kwiita, mpawo Uya kuzwa kuli nduwe, kuta boola alubo.

<sup>286</sup> Nkaambonzi tobooli ndyoonya lino? Sa inga toboola atala awa a kuliiminina lwako kumbele lya Leza? Kwaamba, “Ndila boola kwiimikila. Njo sala nzila. Nse usi nsoni. Ndi zulilwa ku mbungano, pele Ndi yanda inyika yoonse kuziba kuti Ndili libambilide kutambula Kristo mu moyo wang, Muuya Uusalala. Nda boola lino kucicita. Ndili libambilide kululamika, koba Munakristo wini, mulindu wini, mwaalumi wini.” Sa inga toboola? Tula lindila buyo. Ko boola nkonya kunselelo, oko kuliluleme, kuzwa mu mabbalukkoni a tuzila. Selukila awa, bamba buyo kwiimikila kwako.

<sup>287</sup> Mweenzuma, kwayanda Nse kakuboni alubo ku lubazu olu lwa ciindi cipati. Pele ikuti na Nse citi, amuyeeye, Ndi yooba uutakte kaambo lino, mbubonya a Kristo. Wa lizibya Mwini kuli ndinywe. Muyo Mu bona kacita cintu nciconya mu kaindi kaniini. Ncibotu. Lino koselemuka, bweza kwiima kwako.

<sup>288</sup> “Baa,” yebo wati, “Mukwesu Branham, ulimu kundi beteka.” Peepe, Nseli obo.

<sup>289</sup> Ndili mukubeteka Kulimvwa oku kuli muli ndime, mwabona. Kuli Cintucimwi mukati omu, caamba kuti, “Oh, kuli banji. Kuli banji bambi.” Mwabona?

<sup>290</sup> Lino yebo wati, “Ee, Nda, Nda sangana mbungano, Mukwesu Branham. Ndili muna Pentekoste. Nse—Nse—Nse citi . . .” Nse ambi ceeco, mweenzuma. Nse buzyi ceeco, pee.

Ndi buzya kuti, “Sena uli jisi Buumi bwa Kristo?”

<sup>291</sup> Elyo yebo wati, “Mukwesu Branham, Nda kaambaula mu myaambo.” Eco ncibotu. Pele tacili ncico Nce buzya.

<sup>292</sup> Yebo wati, “Mukwesu Branham, Nse na cisa umwi.” Eco tacili ncico Nce buzya.

“Sena Buumi bwa Kristo buli muli nduwe?”

<sup>293</sup> Uta yeeyeli buyo, mweenzuma. Uta, uta, uta citi eco. Ci yooba cindi wa... Cindi lufu lwa ku kuuma, ciindi cinomanide kale mpawo. Uta cicit. Akaka utaciti.

<sup>294</sup> Lino tuli jisi banji loko awa ndyoonya lino, Nde elela kupa busena buniini kuli bamwi bambi. Ndila kombela aba, elyo mpawo kutegwa inga twa njila, kunjila mu kaanda omuya kutegwa twa boola kubikka maanza ali mbabo, ku kutambula Muuya Uusalala. Elyo mpawo tuyu kombela ndyoonya lino kuli baaba.

Amu kotamike mitwe yanu kwakaindi buyo kaniini.

<sup>295</sup> Taata wesu Wakujulu, mbaaba bakotamikde awa, abo mbaalumi a banakazi, balo mbantu bayu ku Butamani. Be, beeledu kuunka, tu lizi obo. Elyo tula bona mizuzumo yanyika, kuti, a inyika mu busena moibede lino. A kubona Kristo kaboola kuli ndiswe a kucita zintu ezyo Nzyali mukucita, a kubona Mulumbe, Ijwi kali yutuka ncobeni, elyo mpawo ku Mu bona kaboola nkoonya kunze lya Ndilyo aku Li simpikizya kuba Bwini, kuziba maseseke oonse aa moyo. Elyo bantu aba eno baboola kumbele kuzooba a kwiima. Niba takonzya kucita ceeci kuli lwabo. Baboola nkaambo baka solelwa kaboola.

<sup>296</sup> Elyo, Taata, Ndili mukupa mupailo wa mbabo mpoonya awa. Kutali buyo ku lufutuko lwabo, ku kufutulwa, pele kutegwa bazuzigwa a Muuya Uusalala. Ko cipa, Mwami. Akube kuti umwi aumwi wiimvwi awa azulwe Muuya, alimwi akube kuti kuzwa awa kubooke lubukulusyo monse mu cisi eci, luyo zungaanya ukkale obu a cisi eci coonse kuzunguluka. Ko cipa, Mwami.

<sup>297</sup> Alimwi mbungano yoonse, a Methodisti, Baptisti, Presbyteria, mbungano ya Kristo, Lutherani, kufumbwa mbo inga yaba, akube kuti kubooke lubukulusyo, Mwami, lwa bantu aba kuti bajokela a Muuya Uusalala wini kayubulula Leza mu maumi abo. Ko cipa, Taata. Mbi Bako eno, alimwi Nda batuula kuli Nduwe. Lino tula banjizya a kubikka maanza ali mbabo, Mwami, kuti bakonzye kutambula Muuya Uusalala. Mu Zina lya Jesu.

Lino kuciindi toonse notu vundeme mitwe yesu.

<sup>298</sup> Ndi lomba nkamu *eyi* lino, tobela muntu *oyu* nkoonya okuno kumbali lyanu, aboobo ula boola, tula boola kujoka kuli ndinywe awa mu kaanda. Tu jisi busena awa bwa ndinywe bwa kufugamina; twa boola kubikka maanza aali ndinywe, kuti mutambule Muuya Uusalala. Elyo ikuti na uli cisidwe, uyo ponesegwa. Elyo kufumbwa buyo nco bulide, koya mpoonya awa lino. Inga twa njila moonya a ndinywe. Kuli banji beeledu kusika, pele mba—mba syoonto... Kunyina busena bwa mbabo bwa kwimina. Tu yanda kubamba hoolo eli kukomena kobilo; yaa, munjile moonya omu, ku lubazu olu—olu *awa*. Mbo mbubo. Leza amu longezye.

<sup>299</sup> Lino, kuli bamwi banu awa lino; mbuli mbo bazwa, nkaambonzi tamu tanti mpoonya atala awa lino alubo, ku mupailo. Elyo twa zuzya busena obu alubo, kuzunguluka okuno lino.

<sup>300</sup> Tula njila omuya ku kutambula lubbizyo lwa Muuya Uusalala. Tula njila.

<sup>301</sup> Kwalo twamana kubona cizibyo ca Mwami Jesu awa kumbele lyesu, mvwiki eyi, a kuziba kwiindilila cimvule ca kudonaika, kuti oyo Nguwe awa. Lino amuyeeye, Muuya Uusalala nguwenya, Jesu nguwenya wakali kuno ndaambila lyakali penzi ku bantu abo, oko nkoba kabede, obo mboba kabede, nkokuli nkoba kawzida, ncinzi ciyo citika kuli mbabo. Elyo nywebo mulizi kwiina noca kakakilwa ciindi comwe; alimwi taci kaciti, taci kaciti. Oyo Muuya Uusalala nguwenya waka ndaambila kucita ceeci. Mbo mbubo. Ndili mukucicita kwiinda ku busololi bwa Muuya Uusalala.

<sup>302</sup> Lino kuciindi eci, kufumbwa buyo nkamu eyi yazwa kunjila mu kaanda aka kambi awa, muunka okuya, tu yanda kuti muboole lino. Nywebo okuno, amuboole, amutante mu nzila eyi lino. I bamwi banu awa bayanda lubbizyo lwa Muuya, sa inga tee mwaboola ndyoonya eno. Amutantee nzila eyi. Leza aku longezye, mwaalumi mukubusyi. Elyo ikuti na bamwi banu muli cisidwe, a kutana zuzigwa a Muuya Uusalala, nkaambonzi tamu booli kuzo tambula Kristo, amu Mu tambule elyo mpawo muyo ima kabotu sunumasiku.

<sup>303</sup> Oyu mulindu wazwaa kujatwa ansi ku i...aboobo uli kunsi lya kulamwa mbuli nkwwata konzyi kuzunda. Ba mugwasya kuya mu kaanda. Muboole lino, nywebo, batobela ndinywe awa lino. Kuli busena bunji bwa kwiimikila kuzunguluka lino. Muboole atala, nywebo nomamembala aa mbungano, ba Methodisti, Baptisti. Ta tu mulombi ku...

<sup>304</sup> Amuswiilile, beenzuma, Ndi lizi baamba kuti, "Pentekoste, baka bunganya pentekoste." Eco cili lubide.

<sup>305</sup> Pentekoste nduzibo. Iba Methodisti bala Lu jana. Iba Baptisti bala Lu tambula. Boonse babo bala Lu jana. Pentekoste taili kabunga. Lwalo nduzibo. Elyo ikuti na tonaba a luzibo lwa pentekoste, boola Ulu tambule lino. Amuyeeye, ikuti na mula ndisyoma kuba mulanda Wakwe, musinsimi Wakwe, amuyeeye, kuli lubbizyo lwini lwa Muuya Uusalala. Mpoonya akati ka ziimo zyonse zya kwiindilizya, kucili Muuya Uusalala wa kasimpe, Buumi bwa kasimpe. Amu boole, Mu syome ndyoonya lino.

<sup>306</sup> Sa inga toboola kuciindi notwiimba kamwi buyo, tumpango tumbi tobile tumbi twa lwiimbo olu, kutegwa Ndi konzye kuba masimpe kuti buntu bwangu bulasalala cindi Nda akuzwa mu dolopo eli lino, bulowa tabu kabi ali ndilyo? Ndi lizi Walo ukanaana kuli bamwi. Nkaambonzi tobooli?

"...-zigwa" lino ku...sunu;

Leza aku longezye, mulombe muniini. Leza amu longezye nyoonse nomwiimvvi awa lino.

“Ku- . . .” (Mbo mbubo. Ko boola.) “ . . . -  
tandila kusungilizigwa,”

<sup>307</sup> Mu boole, kuzwa ku lubazu luli loonse lwa buyake. Aanze, mukati, mabbalukkoni, kufumbwa busena, seluka eno, mponya ansi awa. Bweza busena bwako bwa Kristo. Uta fwibweeme kuli Nguwe. Ikuti na wali kufwa; ino kuti walimvwa moyo wako kusotauka ndyoonya lino? Elyo, yeeye, oyo Umwi ukanaana kuli nduwe, Ulu ujisi moyo wako mu janza Lyakwe. Uli zyi maseseke aa moyo wako. Nda caamba mu Zina lya Mwami, kuli banji bambi awa baboola. Nkaambonzi tobobili? Yebo wati, “Sa ndime, Mukwesu Branham?” Iiyi, kwalo nduwe. Ikuti na uli kasimpe, uta yeeyeli buyo.

. . . oyandwa loko; O sikutuntulika, boola.

“Kutandila kusungili- . . .” (Nce ncico. Nce ncico.) “ . . . -zigwa,” butebuzi . . .

Mbo mbubo, butebuzi buli aafwi kumana. Kamuboola.

“Kutandila . . .”

<sup>308</sup> Buzuba bumwi, ciindi cino manide. Uta lindili oora limbi, miniti limbi. Kosika atala a kuboola. Mwaalumi mukubusyi, koleta mweenzinyoko musimbi. Koleta mulombe wako. Baama, koleta bataata. Muboole, ndyoonya eno, bantu boonse. Mulindu mukubusyi, mwaalumi mukubusyi, kufumbwa mbobede; mudaala, mucembele, koboola. Eci ncencico. Ikuti na uli cembeede, koyeeya eco Nce zwaa kukutondezya, kwiinda ku Bbaibbele, uyo cincwa ikuti na myo lutambula buyo Lunyungu lwa Abrahamu.

. . . ngu pele ku kakilwa!

Kuusa, kuusa, oko nkoomoka kupati:  
“Kutandila, pele kusweeka!”

Atu kotamike mitwe yesu eno.

<sup>309</sup> Mwami Jesu, O Leza, lingula myoyo yoonse. Lingula umwi aumwi, Muuya Uusalala Mulemu. O Leza, citabi cabuyo kuli eci, naba muntu omwe. Akube kuti bantu boonse, umwi aumwi, Mwami, ba futuke. Uta lekeli umwi wabo kuleya, Mwami. Nda bataminina, mu Zina lya Mwami Jesu, kuba i—kuba ngale zya musyini wa Mwami wangu, oh, Ula a Busyu buli ano lino, Musumpululu wa Mulilo mupati weenda koonse kwiinda mu buyake, kafumpa atala a myoyo. Nda komba, Leza, kuti moyo oyo uyo supuka kuzwa ku zyaanzyo, a kubuka a kuboola cabubotu kuli Jesu Kristo, kwaamba, “Mwami, koonse Mbwe bede, mpaawa Mpendi. Kondi bweza a kundi bumba, Mwami, mu ng’anda Yako mpati yakubumbila; a kundi zuzya, akundi bamba kuba mwana mulombe na musimbi wa Leza.” Ko cipa, Mwami. Akube kuti eci cibe boobo.

<sup>310</sup> Kuciindi notu zumanana kwiimba kampango komwe kambi, sa ulacita? Mpawo tula elela kujala lino, cakufwambaana, nkaambo tweelede kusika awa abamwi babo.

“Kutandila kusungili- . . .”

<sup>311</sup> Boola lino. Boola ncobeni lino, sa tokocita? Leza aku longezye, oyandwa. “Mu mulomo wa bavwanda, Ula tambula kulumbaizya.”

Oh, “Kutandila kusungilizigwa,” oh, uta futati; Jesu . . .

<sup>312</sup> Ngo Nguwe uuku tamba, ku kanana ku moyo wako. “Ndalibuzya ikuti na ndime?” Ikuti na kuli kabeela komwe ka kudonaika, kaboola!

. . . bala imaima munsi,  
Mipailo yabuka kuzwa ku myoyo cabubotu  
loko; O sikutuntulika, boola.

<sup>313</sup> Atu kotamike mitwe yesu lino, kuciindi aba noba libambila. Lino mbuli mbo mwiimvvi awa, mulange buyo ansi. Mula yeeya, mwacita kuboola kwiinda mu kwaamba . . . kuduntaana kwa Cintucimwi mukati kanu, ku mwaambila kuti kuli cintucimwi ciniini cilubide mu buumi bwamu. Nda nyomenena kwiima kwanu. Amuyeeye, Jesu wakati, “Ikuti na mwa Ndi fwidansonni kumbele lya muntu, Njo fwabweeme kuli ndinywe kumbele lya Taata Wangu a Baangelo basalala. Pele oyo uyo Ndi zumina kumbele lya muntu, walo Njo muzumina kumbele lya Taata Wangu a Baangelo basalala.”

<sup>314</sup> Elyo lino kuli bantu basyoonto bakubwene kusule omu lino, abo bali bambilide kusangana a ndiswe lino mu mupailo, kuti myo futuka a kuzuzigwa Muuya Usalala. Ko Mwa ambila buyo kuti uluuside kuli ceeco nco kacita, alimwi uyooba Munakristo kuzwida lino, ku luzyalo Lwakwe, alimwi uyanda lubapatizyo lwa Muuya Usalala luyo kusololela kwiinda mu lweendo lwa buumi.

<sup>315</sup> Taata Wakujulu, ni ngale mu musyini Wako. Niba taboola pe, niba tayandika kuboola pe, na Cintucimwi tee cabacenjezya. Elyo Wa kati, “Taakwe muntu ukonzya kuboola citakuti Taata Wangu wakwela. Elyo boonse abo Taata mbaka Ndi pa bayo boola.” Elyo mpaawa baboola, kwiinda ku Cintucimwi kubaambila kuboola. Mpawo Uli mukutalika mulimo, Mwami. Nda komba kuti Uyo umanizya, sunumasiku, muli mbabo, Mwami, mu kubabamba kuba bana balombe abasimbi iba Leza. Ko cipa. Kutabi kuti omwe wabo asweeke. Nda batuula kuli Nduwe lino mbuli zilumbo zya Ijwi Lyako a Busyu Bwako. Mu Zina lya Jesu Kristo. Ameni.

<sup>316</sup> Lino jokela moonya mu kaanda, mane tu konzye kusika kuli nduwe. Kamuya ku lulyo, okuno. I bamaasha bayo mujosya ncobeni.

<sup>317</sup> Elyo lino—lino Nda libuzya ikuti na basimilimo ba mugame lino bayo boola, amutobezye aba moonya mukati, bunji bwa basimilimo ba mugame bazwa ku mambungano amwi.

<sup>318</sup> Nywebo nobakutausi nomuyanda kujokela omuya a ndiswe lino, kuziba na eci cacitwa kabotu na pe, mu boole, mujokela a ndiswe. Muboole, kufugama a bantu banu, kuti batambula Muuya Uusalala. Umwi aumwi, boola ncobeni a... Nywebo nobakutausi, kufumbwa wanu, Methodisti, Baptisti, Presbyteria, takukwe makani na nduwensi, ko boola. Uli tambidwe. Koboola a bantu aba.

<sup>319</sup> Alimiwi nobabelesi babugame bazwa ku mambungano aindene, abo bazyi nzila ya kupaila antoomwe abantu, kubikka maanza ali mbabo, muboole lino. Aba bali—awo ba bikkwa mu maanza anu; balo nzilumbo zya Ijwi. Sa inga tii mwaboola eno kuciindi eci, basimilimo banu babagame, a kubamba nzila yako kujokela, katutana kucinca muswaangano okuno kwa kaindi buyo kaniini. Muboole lino, amweende moonya mukati. Eco cili kabotu. Mujokela moonya mu kaanda, busena bunji kusule okuya lino. Mujokela ncobeni a kucita zintuzyonse nzo konzya kugwasya bantu aba bayandwa. Okuya, Jesu wabaleta; Wa bajata mu kanyandi ka Makanimabotu. Lino amu batole kusule okuya alimwi atu kombe ambabo, kuti Leza uyo zuzya umwi aumwi wabo a Muuya Uusalala. Jala milyango, kkala mpoonya awo kusikila cactika. Wa ka Usyomezya kuti uyo cicita. Elyo Wa ka cisyomezya, alimwi Uyo bamba cisyomezyo Cakwe. Uli kasimpe buyo mbuli cisyomezyo Cakwe, mbuli kubonekela awa kumbele yesu.

Mwami, ba longezye!

<sup>320</sup> Bakutausi, sena nkomuli? Bakambausi, bantu buyo, abo bayandisa kulangilila na kubamba bantu kutambula Muuya Uusalala, bulizi bwa mulimo wako lino, koya ambabo, koima a bantu bako, bantu baka yiisigwa kabotu aluzibo lwa Muuya Uusalala; alimwi nywebo nobanakazi bakayiisigwa kabotu abo bazi eco neco caamba, amube a bacizi kusule okuya oko nkobabede. Nywebo nomuzi cakucita, amu kkale ambabo kusule okuya lino. Ndyoonya lino ncindi cako. Eci nce cindi cabulizi bwa mulimo wako. Eco ncimo cako cini, lino cakuunka. Leza amu longezye. Mbo mbubo. Kobweza buyo busena bwako a kunjila moonya ambabo okuya, a kukkanala okuya a kuba masimpe kuti—kuti ca citwa, a kucitwa kabotu. Kkala okuya kusikila ubone bubotu bwa Kristo muli umwi aumwi wabo. Leza uyo kulemyea nkambo ka ncico. Ameni, alimwi ameni.

Oh, Nda ciyanda eco. Amulange buyo eco caka jokela omuya!

<sup>321</sup> Sa kuli umwi umbi wata njila, abo weelede kunjila? Ikuti na kuli, sa inga mwaimikila a kutobela aba basimilimo babagame moonya mukati? Amu cicite, sa mula cita? Ikuti na kuli

umwi omuno oyo—oyo utalimvwi kuti—kuti uli buyo awo mpo eeled e kuba.

<sup>322</sup> Lino, yeeya, mukwesu, mucizi, Nse—Nse konzyi kubamba eci kucitika. Mwabona, Leza ngo Nguwe Oyo ucita zintu ezi, kutali ndime. Lino Nda komba kuti Leza uyo mupa ncobeni zintu ezi, a kumupa ii—ii—ii luzibo lwa lubbizyo lwa Muuya Uusalala.

<sup>323</sup> Nyoonse nobantu lino nomu yanda Mwami Jesu, abayanda kunjila kupaila, amu jokela awa eno akupaila antomwe abantu aba. Sa mulacita? Ndamu lumba. Ndamu lumba, cabuuya loko.

<sup>324</sup> Nywebo mulizi, cindi Nda bona babelesi babageme kabaunka a bantu, Ndi jisi... Ndi yanda kwaamba eci cijatikizya ndinywe nobantu okuno, eco citondezya ncomu bambidwe aco. Nda kaunka ku masena, akwalo, a bantu abo beeled e kuba bantu bazwide Muuya, a kubona lwiito lwaku cipaililo lwabambwa, alimwi, baa, inga tojana bantu kunjila a muntu uli oonse, ku komba ambabo. Mwabona, eco citondezya kuti ngu *Ikabodi*, “Muuya wa Mwami wakazwa.” Mwabona? Pele cindi wabona busungu a Mulilo a kusukamina, a kusukamina bantunsi!

<sup>325</sup> Nywebo amubone, kwiinda mu mvwiki, Nda kazwaa kubweza ciindi cangu, a kulangilila kutweluka a zintu mbuli ezyo, kuti bantu bayo cijata a kuziba kuti Muuya Uusalala uli munsi, mpawo kubamba lwiito olo lwaku cipaililo. Nywebo nobakutausi mula mvwisya eco nce Nda kali kucita? Mwabona, kubamba lwiito lwaku cipaililo lino cindi niba kalamwa, lino myaanda yabo ili omuya lino ku kutambula Muuya Uusalala. Elyo banji baka njila a mbabo, ku komba a mbabo.

Lino ikuti na kuli umwi umbi awa, kutegwa . . .

<sup>326</sup> Njo amba eci, kuti mwabona Busyu bwa Kristo, mvwiki eyi, kali simpikizya Mwini awa. Mwa Mu bona.

<sup>327</sup> Elyo lino amuyeeeye, kuti, taakwe bulowa buyooba ali ndime ku Buzuba obo, ikuti na bwa juunza. Ci yooba, bumwi bwa mazuba aya. Amuyeeeye buyo, tuyu ima Okuya. Takukwe makani na nduweni, uyo imikila Okuya, nekuba. “Ciindi comwe cisalidwe ku muntu kufwa, elyo kwaakumana obo Lubeta,” elyo tuyu ima Okuya.

<sup>328</sup> Lino ikuti na toli masimpe cakulondoka kuti ujisi Kristo, Muuya Uusalala mu moyo wako, alimwi Uli mukuli simpikizya Mwini omuya, a luyandisyo a luumuno a lutangalo a micelo ya Muuya, alimwi Buumi bwa Kristo kabupona muli nduwe, mpawo, yeeya, bulowa bwako tabuli mu maanza angu. Naanka kuti Uyo zulwa, nkaambo Wa libonya kumbele lyanu, a kulitondezya Mwini awa mbubonya mbuli Magwalo. Mbangaye bayo peda bumboni kuti, kwiinda ku kutambika janza lyako, kwaamba, “Nda ka Bu bona mvwiki eyi”? Mbo mbubo, mwabona, mpawo ta tukwe kampenda. Ta tukwe ntamizyo.

<sup>329</sup> Lino sa kuli umwi uyanda, umwi uumbi oyo uyanda kuboola? Kutegwa Nda konzya kwaamba, mbuli ciindi cangu caaku libambilila kuzwa awa juunza, ikuti na Mwami wayanda, Nda konzya kwaamba, “Ndili angulukide kuzwa ku bulowa boonse kuzwa ku lubukulusyo olo. Nda cita ku bubotu bwangu mbubonya, Mwami. Nda cituula kuli Nduwe. Lino Yebo buyo... umwi aumwi.”

<sup>330</sup> Lino mbangaye muno, abo bacisidwe a babulide lino, alimwi bayanda kuba a mupailo kuli Iwanu, atu mubone mutambike maanza anu. Ncibotu, koonse ku buyake.

<sup>331</sup> Lino Ndila mulomba kucita cintucimwi. Lino sena muli basyomi? Lino Ndi yanda kuti undi citile cintucimwi lino. Amu bikke maanza ali umwi aumwi. Mubikke buyo maanza anu mpoonya atala ali umwi aumwi, elyo lino, mulange, Ndi yanda kuti mukombe, amukombe buyo.

<sup>332</sup> Lino amuyeeye, bantu boonse abo bayo boola mu mundando wa mupailo juunza, beeledge kuba okuno cakufwambaana, a kuba a kkaadi lya mipailo. Koli jatilila mu janza lyako cindi casika ciindi ca mundando lino. Ikuti na ujisi umwi tuyandwa, nyewe nobakwesu ba Methodisti, Baptisti, Presbyteria, kufumbwa mbo mubede, ikuti na mujisi bamwi baciswa, cakuti, amu—amu kaboole ncobeni ambabo, boola moonya mu mundando a mbabo. Boola ubweze kkaadi lya mipailo, nkaambo... Mpawo koleta kkaadi lya mipailo moonya mu mundando; bamaasha bayo libweza. Bayo boola a kukombelwa.

<sup>333</sup> Nda syoma Leza uyo cita zintu zipati juunza. Ndi langila kuti Uyo cita. Ako nkekaambo Nda bamba lwiito lwaku cipaililo, kucita zintuzyonse Nze konzya, kujana luzyalo kuli Ngewe.

<sup>334</sup> Lino kuciindi toonse notu kotamika mitwe yesu, alimwi nyoonse kamu kombelana. Lino Bbaibbele lyakati, “Ezi zitondezyo ziyo batobelila abo basyoma.” Lino kokombela mwaalumi na mwanakazi ngo bikka janza, nkambo bali mukukupailila. Mwabona? Uta likombeli. Koba kombela. Mubikka maanza anu ali umwi aumwi, a kukomba. Mubikke buyo maanza anu. Mbo mbubo.

<sup>335</sup> Lino amukombe nzila mbo mucita mu mbungano yanu. Kwaamba, “Mwami Jesu, ponya oyu mucizi utakweankwaya, uuyandwa; oyu mukwesu, utakweankwaya, uuyandwa; kufumbwa mbwanga waba. Bali cisidwe, Mwami. Elyo Ndi—Ndili musyomi, alimwi Ndiyo tobela Ijwi Lyako. Alimwi Ijwi Lyako lyakati, ‘Ezi zitondezyo ziyo batobelila abo basyoma. Ikuti na babikka maanza abo aa balwazi, bayo pona. Elyo Nda bikka maanza angu aa mulwazi, muntu oyu uuciswa, oyu mukwesu uuciswa, mucizi oyu uuciswa. Nda—Nda—Nda komba, Leza, kuti Uyo simpikizya Ijwi Lyako, nkabela citondezyo ciyo tobela, nkabela bayo ponesegwa.’”

<sup>336</sup> Mwami Jesu, Nda bakombela, a tutambala otu; kuti, mu Zina lya Jesu Kristo, Mwana wa Leza, kuti Uyo ponya muntu oonse uuli mu Busyu bwa Buleza.

<sup>337</sup> Saatani, wa sweekelwa nkondo. Ba bubona Busyu bwa Kristo. Ba kamvwa Ijwi Lyakwe, ka Li bona kali tondezegwa. Basizibi bali mukati omuya, kaba yandaula lufutuko. Wa sweekelwa nkondo. Kozwa mu bantu aba, mu Zina lya Jesu Kristo. Ko baleka, kuti utaka bapenzyi limbi.

<sup>338</sup> Elyo kolekela Leza wa Julu a babusye, ku buumi alimwi, a nseba mbotu a nguzu. Akube kuti abo bajisi makkaadi aa mipailo bata kayandiki akwalo kuboola mu mundando wa mipailo, juunza. Akube kuti Muuya Uusalala ufumpe nkamu eyi ya bantu, a kuponya umwi aumwi wabo ku bulemu bwa Leza.

Lino ko zumanana, mukwesu.



*JEHOVA-JIRE* <sup>3</sup> TNG64-0404  
(Jehovah-Jireh <sup>3</sup>)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Mukubwekaangala 4, 1964, ku 4-H Club Barn mu Louisville, Mississippi, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)